## 庫全書

子部



大三四直合學思丁 ¥ 其 試 院 医第15月11千年 藏本學學 内府。 A. Car The solution 三年 學者是對於日間 **祗稱其場屋不得** 羣書尤能談朝 主文幾死坐是 志

泊宅編三卷两府 五大口匠三十八十 事 所記雜事亦多可採故也 **誕謨之而流傳至今則以其書自報復恩怨以** 巳可見又摘王曾登甲科劉翬為翰林學士 此書是非多不可信心喜章惇數稱其長則大 仲淹晁公武讀書志稱其元祐中記少時所聞成 怒誣衊前人最後作碧雲騢假作梅堯臣毀及范 名武人張師正又不能自抑作東軒筆錄用私喜 歲月差舛相去幾二十年則泰是書宋人無 スープロー小説家類二 相 不 戲

欽定四軍全書總目 (卷)百四十一子市 野舊事於王安石張商英輩皆有不滿之詞葢 校不知其為原帙否矣所載皆元祐迄政和 海者明人傳刻古書每多臆為竄亂合無別 載勺泊宅編十卷此本僅三卷乃商維瘡載入 號 公論至宗澤乃其卿里而徽宗時功名未盛故勺 和有泛宅浮家之語謂之泊宅村勺寓其間因 徙居湖州之西溪湖有張志和泊舟處後人以志 朱方勺撰勺有青溪筂軌已蓍錄勺家本婺州 泊宅村翁是編葢即是時所作也宋史藝文志 亦 自 秤

インノーノ とヨーオー 10/2 ニート 小説家類二 金 據 載亦或失實然其間遺聞 記 門 也 者所不廢書中 頗 東坡詞云云皆似非勺之自注然詳其詞 使勿納 譏其好殺 其有從幸龍德官獻詩識者指 欽宗實錄 、秦觀贈妓陶心詞 條言不欲 創 則是 知欽宗即位之日王 貶崇信軍 顯其姓名而 間有附注如 非未必盡允又袁文甕膈閒 節度使賜死 條 一軼事摭 條 條下 教授誤據建 7 注 一黼入 注 拾甚多亦考 以爲藏事 於路而勺 日此乃誤 E 姚 賀巳勅 氣當 핾 板 排 尚 媊 記 評

大臣四百匹百五五五五五五十二子部 珍席放談二卷乘 王旦之友悌 爲 不著 見於永樂大典者尚可衰緝成編 及哲宗時事則崇寧以後 宋高晦叟撰晦叟仕**履無可考所紀上**自太祖 大夫言行可為法鑒者隨所聞見分條 上下二卷書中於 筆也 鑗 惟 文 淵 本樂 吕夷簡之 大 閣書目載有 朝廷典章制度沿革損益 )識度富弼 人也是曹宋史藝文 一冊 蓮 世無傳 採集排 避嫌韓 鑗 本今散 綴釐 載 志 F

鐵 金为世月五星彩里世人第二百四一小龍家類二 菫 **蔡京之季子也官至徽猷閣待制京敗流白州** 山叢談六卷新 宋蔡條撰條字約之自號百衲居士興化仙遊 無 故猶藉以考見大凡所謂識小之流於史學固 評論是非軒輊往往不能持平又當王氏學術 折佞其事皆本傳所未詳可補史文之關特間 死宋史附載京傳末稱宣和六年京再起領三省 行之時於安石多曲加 穉 助也 家江 滅鮑 本士 迴護頗乖公議然一代掌 盛 加

次 定 四 華 全 書 恩 三 作於竄逐之 為物論所不歸故疑條所著作亦出假手然此書 乃條使其客為之殆以蔡攸領袖書局懵不知學 以崇尚元祐之學爲言者論列蓋雖盗權怙勢而 知博風雅之名者順振孫書錄解 醒 中李邦彦惟奉行文書其罪蓋與京等曾敏行 且代京入奏由是恣為姦利竊弄威柄宰臣白時 雜志則載條作西清詩話多稱引蘇黃諸人竟 一昏眠不能視事悉決於條凡京所判皆條為之 //绝/百四十一千带 後黨與解散誰與捉刀而敘述 題稱西清詩 舊 話

9

紹興十七年而此書記鼎卒後王魓坐調護鼎被 條稱中興歳戊辰為紹興十八年又趙鼎亦卒於 傾覆後二十一年為紹興十七年檢宗買茴香

謫居無恙亦可云倖逃顯戮矣條所作北征紀實 劾罷官過白州見絛之事是南渡後二十餘年尚

蔡京文飾此書所敘京事亦往往如是如史稱古 二卷述伐燕之事陳振孫謂其歸罪童貫蔡攸爲

人名巴里尔希拉巴 詞氣之間頗與其父異趣於三蘇尤極意推崇 劾絛又請京殺絛故也至於元祐黨籍不置一 為彌縫大抵類此惟於其兄攸無恕詞葢以攸嘗 世及陳瓘而不能已則與祖禹子温最相契其巧 **范祖禹劉安世皆因京遠竄條則謂京欲援復安** 從事史稱京由童貫以進又稱宦官宫妾合詞譽 京條則稱京力遏宦官遏之不得更反折角史稱 稱政和三四年上自攬權綱攻歸九重皆以御筆 患言者議已作御筆密進丐緣宗親書以降條 2411五日11子前 ĭ 語 Įį

金云口屋全書彩 ■ (老)百口丁」小說家類二 丁仙現 條乃深瓿王安石新法則仍其西清詩

核以及辨禁中無六更之例官花有三等之別俗 譜畫譜博古圖之緣起記所目覩皆較他書為詳 年號之義公主初改帝嬴後改帝姬之故宣和書 之鑄造三館之建置大晟樂之宫律及徽宗五攺 話之旨也他如述九璽之源流元圭之形製九

芾研山大觀端研玻璃母龍涎香薔薇水沈 諺包彈之始粤人雞卜之法諸葛氏筆張滋墨米 合浦珠鎮庫帶藕絲燈百衲琴建溪茶姚黃花

水

大包可置合書製引 ■/& 1991 1 子部 作五卷此本實六卷或通考為傳寫之誤歟 足道以其書論之亦說部中之佳本矣文獻通考 染寫非真自作尤歷來賞鑒家所未言其人雖不 宗繪事世稱絕藝觀此書乃知皆畫院供奉代為 舞隸教坊三經新義宋人皆稱王安右觀此書乃 知雷為何人觀此書乃知為雷中慶宣和中以善 稱蘇軾,詞如教坊雷大使舞諸家引為故實而 條皆足以資考證廣興聞又如陳師道後山詩話 知惟周禮爲安石親筆詩書二經實出王雱又瘷

金大卫屋台灣彩目 國老談苑 朝雜事 亦後人 舊本題夷門隱叟王君玉撰考陳振 間或抑揚過情而大致猶據實可信如范質不 夷門君玉撰不著其姓然則此名後八所改王 **路遺竇儀議今皇帝開封尹** 而貶斥陶穀其餘如馮拯諸人 史藝文志作國老閒談卷數與此 卷浙江 、所增也是編所紀乃宋太祖太宗真宗 於當時士大夫頗有所毀譽尤 大一世四十二 恭家藏鄉 本 署勒趙普請從 俱不免於微詞 孫書錄 相合而 推重 注 解 田 稱 題

次包含草及香港思到 5人第二百四十一子部 鐘乃後人咸暉之義以資追薦亦非為太祖助戰 環滁僧寺皆鳴鐘遂為定制案滁人一 馬 黨曹彬平蜀回囊中惟圖書諸條宋史皆採入本 老成冠準欲求速進遂餌地黄蘆菔以求白髮恐 暉兵敢見擒送壽州行在周世宗尚賜以金帶鞍 **祖凊流關之戰謂臨陣親斬僞驍將皇甫暉不知** 傳中他亦多敘述詳贈足與史文相黎孜惟記太 而起此則傳聞之訛異未可槪從至謂太宗嚮用 因創甚不肯治而死並非戮之陣前又謂是時 一日五時鳴

金女い匠 三元米ド **道山清話** 識前輩嘗以聞見著館祕錄曝書記并此書為三 書者刀暐之祖非暐也周煇清波雜志稱成都富 大夫主管亳州明道宫賜紫金魚袋暐書則撰 家因手抄藏示子孫後題建炎四年庚戌孫朝奉 仍嵗兵火散失不存近方得此書於南豐曾仲存 案書末有暐跋語云先大父國史在館閣最久 **準亦未必至是也** 不著撰人名氏說郛摘其數條刻之題曰宋王 卷 藏 內 本 府 | スニーロー小説家類二 埠 此

次立四華各替恩日顺金三百四十一子部 無李姓者在其間而所稱去年范純仁出守類 副之後郭宗顏病改遣西頭供奉官問門陸孝立 書純仁後純仁再相哲宗問曾見李某書否則撰 旦使供備庫使郭宗顏西京左藏庫副使畢可濟 此書者李姓非王姓也然孜李燾通鑑長編是年 亦不言其姓氏書中記元滿五年其父爲賀遼國 八月庚戌命吏部郎中蘇注戸部郎中劉昱爲正 正旦使論范純仁日公著事歸奏哲宗哲宗命寄 春坊火詩乃洛中名德之後號道山公子者所作

集張子野墓誌鉻蘇軾集張子野詩集跋及定 禎 黨中人固灼然可見矣其書皆記當代雜事王 宗時書中頗眡王安石之姦於伊川程子及劉擊 寫認為李歟所記終於崇寧五年則成書當在秦 亦不甚滿惟記蘇黃晁張交際議論特詳其爲蜀 吕公蓍卒於位事攻二人本傳實均在元祐 則五年字又不誤不審其何故也或蘇字劉字傳 居易錄嘗譏其誤以兩張先爲一个攻歐陽 **土 積之說信然又所記陳彭年對其宗墨智** 四年 修 風

大臣四直合語為目 墨客揮犀十 閣 秋 宋彭乘撰案北宋有兩彭乘 者失實 昺疏彭年所舉非陸氏書則皇氏書耳是則傳 文邢昺論語疏皆引春秋少陽此條其時尚未 年令於第幾板尋檢果得之云云其說頗誣案春 又何自有之今攻皇侃論語疏陸德明經典釋 少陽篇隋唐志已不著錄彭年安得見之宋祕 元出春秋少陽事稱上 -卷內閣 (此書 送江江四二十子部 畇 水家薬士で 因而誤載也 紀 一个祕閣取此書旣至彭 為華陽人 八英宗時

金是巨屋各里和上一条一下口一小說家類二 瑩中言後苑牧豭豘潘大臨作滿城 名為据而止有十卷則已佚其續集矣書中 蘇黃疑亦蜀黨中人也陳振孫書錄解題載 其為何官又自稱嘗至儋耳其所議論大抵推 稱嘗為中書檢正又稱至和中 州高安人史不載其仕履故始末無可攻見書 **稗海者卷首直題彭乘姓名葢以書中** 卷續十卷稱不知撰人名氏今本為商維瘡 一士官至翰林學士宋史有傳其作此書者則筠 赴任邕州而不 風 酮 崩 如 自 II 中

欽 起 四 車 全 書 聰 目 ■ ( 巻 ) 百 四 十 一 子 部 唐語林八 朱王讜撰陳振孫書錄解題云長安王 徵引詳冷存之亦頗資恭茲焉 與 又有所竄入然於宋代遺聞軼事以及詩話文評 魏書原文別無攻證亦不相類疑原本殘缺後 野店張華博物傳融有三子諸條皆全錄晉書北 載之皆全同其文不易一字惠洪本高安彭氏子 詩彭淵材遊興國寺諸條惠洪所作冷齋夜話亦 一乘同族同時不應顯相蹈襲若此又如魏舒詣 大きが楽大 一讜正甫

ようした とうによー 作八卷晁氏作十卷其數不合然陳氏又云館閣 卷而門目皆不關益傳寫分併故兩本不同耳 書目十 皆仍舊馬端臨經籍放引陳氏之言入小說家又 世說體分門記唐世名言新增嗜好等十七門餘 之名不見史傳攻書中裴佶一條佶字空格注云 引晁氏之言入雜家兩門互見實 為五十二門晁公武郡齋讀書志云未詳撰人效 唐小說五十家做世說分三十五門又益十七門 ■ NY11-E1 | 小説家類二 一卷闕記事以下十五門另 書也惟陳氏 本亦止八

次世四里在1981 《61594一子部 武英殿書 御名朱 傳 諸書存者已 史 書雖做世說而所紀典章故實嘉言懿行多與 本久佚故明謝肇淛五穕俎 續自序稱所得非善本其字畫漫漶篇 和發明視劉義慶之專尚清談者不 人亦鮮知惟 惟榝宗諱佶 所藏有明嘉靖 少其夏集之功尤不可没明以 一卷自德行至賢媛止十八門前有 則識爲崇寧七 初桐城齊之 引楊慎語謂語林 人觀問 鸞所刻殘 同月 人矣是 肵 釆

每天卫匠《清景上】 |另一下上一小說家類二 幾 說部 卷各析為二 求謹略以時代為次補於刻本之後無時代者又 及門類總目當日體例尚可考見其梗概惟是永 **複增多四百餘條又得原序目 訛脫甚衆文義往往難通謹取新舊唐書及諸家** 後之共爲四卷又刻本上下一 大典各條散於逐韻之下其本來門目難以 不可讀今以永樂大典所載參互校訂刪其重 一仍為八卷以還其舊此書久無校 一卷篇頁過繁今每 篇載所釆書名 則如

庶不失闕疑之

極寒

一卷两府

滅本

載先三老 名氏前有明海鹽姚士粦序以書中 條證以洪适隷釋袁良碑知其姓袁 肵

又有少長大梁及僑寓臨安語可知其鄉貫其名

間作大髩方額下 則終莫得詳查慎行註蘇軾來鶴亭詩引為袁褧 未詳何據褧實明人 而計亦相距九十七 下卷言嘉泰二 、疑慎行誤也上 年月食事即以崇 老記見崇寧

次世四重全量激引 (多) 可四十一子部

南窟記談一卷編修程香 蹇牖閒 許凡 不著撰人 洪多以根括金銀之日勢极內人徵歌佐酒其罪 無辜則紕繆之甚不足徵據矣 不可勝誅長流海島未法巳為寬縱此乃力辨其 戸口之類多可與史傳相祭其是非亦皆平允惟 不誣也所記多汴京故事如艮嶽京城河渠官闕 八名氏多記北朱盛時事淳熙中袁文作 |引其書則作於孝宗以前而中有葉

大百可且在建設了! 宋二年日十十市 即指蔡寬夫事也曹溶所藏之 臺魚池事批於其旁故稱與此事相同云云此事 **奢事元人讀是書者因記王眉叟掘地丈餘得花** 條記蔡寬夫在金陵鑿地丈餘得竈灰及朱漆上 戊午開元官立虞集碑 中則是書當在南北朱間也中載葉景修述延祐 不可解檢核別本此條獨低二格書之乃知上 卿為政和五年進士高宗時終於中書舍人 不夢得為紹聖四年進士高宗時終於知福州 條乃元仁宗五年事殊 本因傳寫者不究 八給事

過庭錄 朱范公偁撰公偁仕履未詳據其所言乃仲淹之 說部之通例固無庸深詰者矣 語怪然籍見天書 證惟袁州女子登仙 書然所記多名臣言行及訂正典故頗足以資攷 三條袁文所引衛大夫一條此本不載葢巳非完 **元孫而不言其曾祖為誰觀其稱純禮為右丞純** 一卷两本府 一概錄作正文故致是認異耳其書凡一 一事曲洧舊聞亦載之葢朱 條麗籍見天書 條類涉

火运马耳台管原生 葢即其子書中稱其於純仁没後未及釋服而卒 獄正思與正平爭承則純仁没時正思己不年初 **知純仁尚有一** 以遺澤官推與纫弟後蔡京與偽造純仁行狀之 中有改之日纫子五孫皆未官語正平傳中亦稱 思此書皆稱為伯祖則併似非純仁後惟純仁傳 合則亦非純祐之後考純仁傳末稱二子正平正 正臣官太常寺太祝與所言祖光禄者 //411年111年前 

粹為五侍郎則必非純禮純粹二人之後純祐惟

金友卫星等星人人工工工工小旅家独工 實下虛成語記蘇軾論中岳畫壁似韓愈南海碑 語皆深有理解其他蘇黃集外文及燕照鄰崔 以為王詵之譖此則以為中官閻守忠之譖則未 美猶有淳實之遺風惟純禮自政府出守顯昌史 以是推之 故後來不預行狀事而史遂但稱純仁子二人 ,卯戊辰間聞之其父故命曰過庭語不溢 知為純仁之曾孫也其書多述祖德皆 分間及詩文雜事如記朱祁論杜詩

編 典徵引頗繁夏而輯之尚可復得三卷謹排纂成 屬寥寥葢其本久佚雜濬等特於諸書 者均止五十餘條不盈 宋朱彧撰彧字無惑烏程人 三卷而 三卷永樂大 稱為已 公存其樂皆未及晴三卷之本也惟永樂· 主養難散佚之 明代商維濟刻 餘重爲綴緝未必毫髮無 入秤海陳繼儒刻入祕笈 則偶誤記耳 一卷陶宗儀說郛 、是書文獻通考著錄 所引級 所錄更

欠回回国人苦智的 人名丁里二一子部

金元以月二章新上一一第一下四十一小說家類二 然實非元祐之黨嘗有隙於蘇轍而比附於舒 惠卿則往往曲為解釋甚至元祐垂簾有政 **知萊潤諸州紹聖中嘗奉命使遼後又為廣 舶言之尤詳攷之朱史服雖坐與蘇軾交遊貶官** 故彧是書多述其父之所見聞 其十之八九矣彧之父服元豐中以直龍圖 語葢欲回護其父不得不 明代諸家所刑幾贏四倍約略核計 一蘇頗有微詞而於 而於廣州蕃坊市

飲定四山全書總司、然公百四十一子市 高齊漫錄 撰述是書亦即本是意上 朱曾慥撰慥有類說已著錄類說自序以爲小 說之俊神怪肆詼嘲徒供談噱之用者猶有取焉 以資效證即軼聞瑣事亦往往有裨勸戒較他 **典察條鐵團山叢談同** 可觀而歸之於資治體助名教供談笑廣見聞其 自此數條以外所記土俗民風朝章國典皆頗足 護其父黨遂不得不尊紹聖之政而薄元祐之人 卷永樂大 典本 用意殊乖是非之公然 一自朝廷典章下及士 去 道

全共工具に手たし 有之 F 撮 曹溶害採入學 **咸登記錄中如給舍之當服顏帶不** 41 不得為知制語皆可補史志所未備其徵引義 夫事蹟以至文評詩話詼諧嘲笑之屬隨所見 - 捃摭裒 而成 陳振 無 )而永樂大典失載者亦叅校補入略 到層要其可取者多固遠勝於游談無根 盆 孫書錄 11二十二 小說家藝一 韗 以備數遺漏宏多今從永樂大典各 視溶 解 海類編而祗存五頁葢自他書抄 所收多逾什之三 題載此書二卷世妙流傳近 四其或洛 運使之

聞

雜

次主四里全書與目 寒卷二百四十二字部 默記三卷兩准馬 刀併其子孫世系一 於掌放所言可據者居多如宋太祖以周世宗纫 周輝清波襟志嘗疑其記尹珠扼吭之妄然垂熟 汁 宋 子賜潘美爲子 穾 銓次合為一卷雖未必愷之完帙然大略亦可 都朝野遺聞末 王鈺撰蛭有補侍見小名錄已 袑 一事似不近理而證以王鞏所記 條乃改正陳思王感甄賦事 有徵則尹洙 ] 著錄此編多載 七七 事或傅者 賭

進巡本撫 抑 金ケーカ と言う 塵前錄四卷後錄十 採 興書錄解題稱其官曰朝請大夫宋詩紀事 朱 耳 引 王明清撰明清字仲言汝陰人慶元中寓居嘉 周世宗夜至五丈河旁見火輸小兒知宋 軰 事涉於語怪頗近小說家言不可據為實錄 未祭而書之未必盡構虛詞也惟所記王朴 リンドーー 小説家教 **孰是也是編皆其劄記之文前錄** 一卷第二錄三卷餘部 二卷 將 則 南河

でこうえ から 讀書志云總二十三卷今止二十卷文獻通考云 請外時所紀於高宗東符事獨詳餘話兼及詩文 **跋謂記憶殘缺以補冊府之遺是也末附沙隨程 乾道丙戌奉親會稽時所紀多國史中未見事** 院養取揮塵錄牒文二道後錄為紹熙甲寅武林 逈臨汝郭九惠二 前錄三卷今四卷後錄自販云釐爲六卷今多五 碑銘補前三錄所未備有浚儀趙不翦跋晁公武 官舍中所紀有海陵王禹錫跋第三錄為慶元初 別かい アニュー・子郭 簡及慶元元年實錄

**到是四庫全港湖上** 他一下四十 **那新志六卷**两府 米芾極其醜武尤不免軒輊之詞趙彦衛雲麓漫 **銍之子曾衍之外孫紆為曾布第十子故是錄** 卷蓝久經後人 載較麥港流傳之小說終有依據也 士預古夫于亭穕錄亦議其載晟祀黃巢墓事 抄嘗議其載張耆宴侍從諸臣事為不近事理 布多溢美其記王安石殁有神人幢葢來迎而 不經之談然明清為中原舊 八分併故卷帙不齊如此 族多識舊聞要其 明清為王 於

ラミザスニアルー 舊文及前 **祺韓世忠明清不** 臣諫 燕 破 見 則朱子語類亦有是語非好詆諆正 王 敵 尚未論定宋齊愈獄贖 明淸撰此書多談神怪 譋 歌頭 布 燕雲疏李長民廣汴 は、シューニニー子指 仙之 皆載其全文足資烝證 逸作 排 式葢 稨 七章為詞譜之 明清 一載胡舜申已 辨葢當時 都 及瑣事亦問及朝 風姚平 條 所未載亦 叉 深 酉避 相 (如載曾 去甚近 滿於李 亂能 仲 他 如王堯 擬 一野譽 類抵 Œ 姒 馮 躼 綗

投轄錄 金 是 区 月 至 1 新生 一 一 一 小 就 家 類 二 謂得一 列凡四十四事大都掇拾叢碎隨筆登載不能 所記皆奇聞異事客所樂聽不待投幣 朱王明清撰是書乃其晚年所作見於書錄解 魔筆記錄皆有稗見聞也其曰玉照 揮塵銀
ン 一字揭之寓舍固以名其所著書云 老两本所 卷與此本相同其以投轄為名者陳振 玉照於永嘉鮑子正又獲米南官書 一提据賅沿有資效證然故家文 新志者自序 而留 題

次 自日耳在看息目 W 色三百四十一字暗 概見宜其於軼聞舊事多所請悉也 甲戌歲者乃寧宗嘉定七年則明淸之 艮岳記者明凊猶及見之而又下見陸游其稱 江彥文一條下注聞之陸務觀任蓋臣虹縣良家 第六條之首原闕四行乃傳寫者所脫佚今已 **禾晟金人歸我河南地者為高宗紹興九年** 子二條下注聞之僧祖秀祖秀乃宣和舊人即 可孜矣書中於每條之下多註所聞之人今孜其 多信而有徵在小說家中猶為不失之荒誕者惟 F

張氏可背 金是12月二十年十一一八十十一小說家類二 黨門事又有見海賈鬻龍涎香於明節皇后閥 詳撰人名氏惟愛日齋叢抄引其中司馬光文彦 是在宣和之初嘗官汴京中間復有紹興丁巳戊 何許人今孜書中所祀冇僕頃在京師因幹出 博論僧換道流 武讀書志皆不著錄文淵閣書目載有一 案張氏可書朱史藝文志陳振孫書錄解題晁 千紀年及劉豫僣號中 老派樂大 一事稱為張知甫可害知甫不 -原事則入南渡後二十餘 Ξ 知 事

**奥盐其人生於北宋末年猶及見汴梁全盛之** 

者亦多有益談資雖詼諧神怪之說雜厕其間 往往意存鑑戒其餘瑣聞佚事為他說家所不載 滄桑今昔之感故於徽宗時朝廷故實紀錄尤多 日故都遺事目擊頗詳迨其晚歲追述為書不無

秋定四<u>庫全皆總</u>月 卷一百四十一子部 條謹編為 據永樂大典收入各韻內者採掇哀輯共得五 錄之流未嘗不可存備效覈也其書原目已佚今 免失於冗雜而按其本旨實亦孟元老東京夢華 卷以存其概云 小加浆質二 亖

聞 見前 平心之 故 端 宋 Ž 子之緒猶及見元祐諸耆舊故於當時 事 錄 邵伯 委是書成於紹興二年前十六卷記 以 其記韓富之 而於王安石新法始末 一十卷两庙 温機 論其記 其論洛蜀朔三黨相攻情其各立門戸 間又引程子之言以為變法由於 伯温有易學辨 燈籠錦事出文彦博之妻於事 及 認已 一著錄伯 時 同異之 太 朝政 激成背 温 加 論載 具悉 藉 以來 授

次三旦五合語記目一 奇其父轉涉嫉誣又記邵子之言謂老子得易之 皆記邵子之言行而殤女轉生黑猿威孕意欲神 亦擇焉不精者取其大旨可耳 以為非似乎附會至投壺 體孟子得易之用文中子以佛爲西方聖人亦一 **永樂諸條皆寓麥秀黍離之感十八卷至二十卷** 惡已甚之詞不盡然也十七卷多記雜事其洛陽 書頗多荒唐凡所書人及其歲月鮮不差誤始好 强至家傳之訛周必大跋吕獻可墓誌謂伯溫是 //x11mm\_1 1 字部 事益猥瑣不足紀恭 111

清波雜志十 金灰工匠二十六日 有張 煇 載馬曰琯之言曰舊本淸波雜志有張貴謨序 中 居錢塘後洋街語則輝質自浙遷淮也是書之 ) 跋皆同時 自題曰淮海人 輝張貴謨序亦存恐曰琯所見者或轉是訛 周煇撰煇字昭禮邦彦之子厲鶚宋詩紀事 輝俱作燁應從之按是編為影米精 斯中張訢陳晦楊寅張嚴 |光||『ロー小説家類| 老別志二卷两府 而兩浙名賢錄載之書中有 稱輝爲處士然 獎順 煇 本書中 徐似道 附

てきまた いてまし ランナルニ 子前 矣是曹原本十一 其私意所在則可以此盡廢其書則又門戸之見 城門之名紹興中煇寓其地因以名書所記皆朱 刊本多好合併刪削不足為異諸跋並稱二志惟 無回護猶之王明清揮廛諸錄曲爲曾布解耳 書中稱煇之曾祖與安石為中表葢親申之間不 奏名見之書中或當時未就官即別志叉自稱嘗 **王金國益不可解或隨出使者行也淸波爲杭州** 統事方回橺江續集力詆其尊王安石之非效 二卷商維濬稈海作三卷葢明人

雞肋編三卷江西巡撫 母友正月(言言秋目 ▶九一百四十)小就家類二 詳惟日居仁 朱莊季裕撰季裕名綽以字行凊源人其始末 但稱前志不及後志嘉靖戊申姚舜牧跋亦但稱 官院子又薛季宣浪語集有季裕筮法新儀 雜志十二卷別志三卷則自明以來惟此兩集或 分為五集則別志之前似乎當有後志然別志 正跋三字誤歟 |軒渠錄記其狀貌清癯| (目為和腰

次它四重全話題目 《各三百四十一子部 觀陳孝先跂曰此書莊綽季裕手集也綽博物 本較說郛所載約多五倍後有至元七卯仲春 所增世無刊本陶宗儀說郛僅錄其二三十條此 官則莫可效矣此書前有自序題紹興三年二月 條稱官於順昌瑞香亭一條稱官於澧州其為何 尉又原州棠樹 葢在南北朱之間又尹孝子一 皆不著其生平據書中年月始於紹聖終於紹 日而所記有紹興九年事疑書成之後又續有 條稱作倅臨涇李健食শ蟹 一條自稱害攝襄陽 弖

る大上月と三十分上 → ラニーレー 小説家類二 遼宋誓書一 以駁金華圖經之類間失攷證然可取者多其記 舊事書中如不知龍城錄為同時王鈺所作反 及識芾及晁補之故學問頗有淵源亦多識軼聞 父在元祐中與黃庭堅蘇軾米芾諸人遊季裕 塵尚多有疑誤云云葢猶季裕之完本也季裕 悅生隨抄而訛謬最多因為是正如右然掃之 他著述尚多惜未之見此書經秋壑熙定取以 聞有杜集援證炙膏肓法筮法新儀行於世聞 條大旨以和議為主亦各抒所見季 三 為

火色門紅金計學目 四 经三国上一子前 聞見後錄三十卷江西巡撫 雜 故曰後錄其中諭復孟后諸條亦有與前錄重 耕錄諸書所及也 殊統觀其書可與後來周密齊東野語相埒非輟 **裕方洋沉郡縣與當時朝士附合秦檜者** 經義史論詩話又悉以神怪俳諧較前錄頗為項 者然伯温所記多朝廷大政可禪史傅是書兼及 朱邵博撰博字公齊伯温子也是編葢續其父書 伯温書盛推 一程博乃排程氏而宗蘇 豆 固

金美中月三年前上 对了下口一小就家数二 算 其 師 **靈記湯保衡事推道教之驗論晏殊薄葬之非**訴 **邀碧雲聚填山梅堯臣手記王子飛事稱佛法之** 黨異黨既盡病名之不獨擅則同類亦相攻固勢 利 所記游酢謝良佐之事知康節没後程氏之徒欽 之必然不足怪也至其稟輯疑孟諸說至茲三卷 同類復相攻講學者務爭名亦先合力以攻 必先合力以攻異黨異黨旣盡病利之不 鼎宗浴學之謬皆有乖邵子之家法他若以元 丽 抑邵故博有激以報之基怙權者務爭 猫 異

た三日王 公言記り 北慜疾輠錄 屈原之 可為士 朱施德操撰德操有孟子發題巳蓍錄是書炙輠 多可採朱人說部完美者稀節取焉可耳 **誕垂簾證紹興王璽實非和璧論皆有見談詩亦** 誣載司馬光集外章疏之類可資考訂議通鑑削 之名葢取義淳于凭事然所記多當時前輩盛德 種詩作黃巢之 )非駁王安石取馮道之謬辨伊川易傳非 一大夫觀法者實不以 老浙江鲍士 /火: Ten 1 1 手間 )類引據亦頗疏略惟其辨宣仁 八滑稽嘲弄為古 11 5

**正方口月** ○三米目 ○第一下四十一小就家類二 宗洛而不宗蜀其微意固可概見惟林靈素妖妄 條即言王氏新法由於激成以闡明程子之意 多稱道一 附刻於橫浦集末其學問則九成純躭禪悅德 荀卿性惡之旨其橫浦之學偶相漸染故立是異 何以命此名也德操與張九成友善故孟子發 心未免好爲異論又解孟子萬物皆備 一程雖間一及蘇氏而不甚鄭重其第 分別觀之可也德操病廢終身 一條尤 操 題 則

步里客談 ノカー 八字四十 なるニーラー 子商 談一 於步里遂以名曹朱史藝文志載陳唯室步里客 於官長方奉母居吳依其外祖太僕寺卿林旦家 第官江州軍學教授初長方父侁為洪州錄事卒 宋陳長方撰長方字齊之侯官人紹興戊午進 播殘編蠹他幾佚幸存亦可云希觀之祕笈矣 本亦稀朱葵尊始得是本於海鹽乃稍稍傳抄流 事無所表見志乘至不載其姓名其書明以來傳 卷唯室即長方之别號葢宋史荒謬未考 一卷永樂大 きに

新是に月全護教E № 第一下で十一小能家類二 樹不鳴蟬句與黃庭堅坐對真成被花惱出 **頗多可採如謂陳師道李杜齊名吾豈敢晚風** 榜之習其引陳瓘與楊時書譏欲裂白麻之非禮 亦深明大體所見迥在宋人之上至於評論文章 亦即此書葢初名談錄後乃敗今名也所記多嘉 名胡伯能作長方行狀稱所著有步里談錄二 **施以來名臣言行而於熙寧元豐之間邪正是** 三致意其論元祐黨人不皆君子足破假借 江横句皆學杜甫縛雞行而陳爲不類又引 門

程史十五卷浙江鮑士 大三日桂子居园丁四/安二百日二一子間 條謹以 之誤令散見永樂大典者裒而輯之尚得五十 矣此書朱志作 謂腎無左右一條由不知診候之方置之不論可 謂月自有光非受日之光一條由不知推步之 起敬又謂文章態度如風雲變滅水波成文直因 勢而然以議蘇軾數擬盤谷序之 王剛中 類排築從胡伯能所記仍釐為二卷 語謂文字使人學節賞嘆不如使人肅然 卷與剪伯能行狀不合葢傳寫 )非皆爲有見至 狮

É

金为口周白一条厂 譏韓侂胄詩 謔之 **記遺事惟張邦昌劉豫** 借物論以則時事非他書所載徒資嘲戲者比 偶然失實至於石城堡塞汴京故城諸條皆有 氣為自穢其書耳餘則大旨主於寓褒刺 南 題椒宗畫 北宋雜事凡 岳珂撰珂 詞然惟金華 プラー 小説家類二 有九經三傳沿革例已著錄是編載 條與葉紹翁 條為張端義貴耳集所 百四十餘條其間雖多俳 人看命司諸條不 一冊文可以不存 四朝聞 見錄 駁敖陶 互跟 則是 小說 康 優 亦 肵 非 詠

たとする公本記り 西內事末云此事本在朱崖太尉所續程史第 解孜說郛載柳珵常侍言旨其第一 詳備所錄詩文亦多足以旁資效證在朱人說部 愛莫助之圖慶元公議黃潛善諸條皆比正史爲 遷除任元受啟陳了翁始末開禧北征二將失律 宸廟食燕山先見大散論賞書素檜死報鄭少融 **<u>築葉少蘊內制乾道受書禮花石湖</u>** 於攻取形勢他如湯岐公罷相施宜生趙希先節 亦王明凊之亞也惟其以桯史爲名不甚可 見を言いて一子部 邑 條記明皇遷 言悟主紫

到るで川子替瀬戸 ▼第一下以一小就家類二 劉瑞孝娥并銘王公祠記各一 **所舊有今併刪之庶不溷簡牘焉** 飛遺文併珂詩文各一首巳與此書無關又 知可矣毛晉刻本末有附錄一卷前有岳飛傳及 碓 常為圍三寸程圍倍之注曰桯車杠也說文解字 者也 阿 五 別 可 益 襲 而 用 之 然 放 工 記 曰 輪 人 為 益 達 八條內則李德裕先有此名案此書 日程牀前几也皆與蓍書之義不合至廣韻訓爲 桯集韻訓與楹同義更相遠疑以傳疑闕所不 篇尤足驗非 称唐 次柳氏舊

獨醒雜志士 大三日間入香部門 東京二十一一子部 醒道人又曰歸愚老人吉水人吉水屬廬陵郡故 朱曾敏行撰敏行字達臣自號浮雲居士又曰 附 聘編爲十卷以樊仁遠所作行狀及銓所作哀詞 不能仕進遂專意學問積所聞見成此書其子 遊胡銓楊萬里謝諤皆其友也年甫二十以病廢 又自題曰盧陵曾祖孝先祖君彥皆當熙寧之 不肯以新學干科第故敏行守其家法多與正 後萬里序之諤跋之後趙汝愚周必大 兩准鹽 採進本 政 時

皆為之跋書中多記兩朱軼聞可稱史傳之闕間 及雜事亦足廣見聞於南渡後劉岳諸將皆深 湛置是非於素燒登第一事亦僅借崔頎以寓之 推挹而於秦檜則惟記與翟汝交詬爭一事亦不 與志載有是說小說妄談於古無徵叉唐敗正 書中稱風鳶造自韓信而不言所據案唐李冘 考敏行卒於淳熙一年去檜未遠殆猶有所遊敷 晦日爲中和節載於鄴侯家傳當時嘗以命題 士其詩載於文苑英華本非僻事而試官謬舉清

大岩田江在野鄉江 事影撰見太 勒停乃為其兄依所軋見朱史蔡京傳而云以 清詩話為言者所劾偽呂洞賓詩乃稲州黃待 按此傳載實 所撰當時已捕斬於馬行街兒耿延禧 因 **明寒食之說敏行亦不能糾** 以攷證爲主也他如仁宗朝一 鎌第 朝野愈載唐魏徵事而影撰齋漫 師 ■/公111四11千部 卷而云真有洞賓現 十六卷敏行皆不辨而述之又蔡條 術者埋金事乃因國史補遺 正、葢 衞山 以能錄為主 一 衛中實退 管限 凝事 實退 炤 錄吹

背舊續聞十 陳鵠耆舊續聞或題鵠撰者近之歟鵠始末無考 撰則又為鵠所自作疑不能明然諸書援引並 舊有此書鶴特籍寫校期之一本題曰陳鵠西塘 短矣 於 **案此書世有二本一本** 至於欲以人挽獨輪車為陣尤如兒戲其謬更甚 房琯楊萬里序乃盛稱之可謂舍所長而譽所 老浙江鄉 本士 題曰南陽陳鴿錄正似乎 **公遺事又自記管與如** 三 利

論於詩文宗旨具有淵源又如駁苕溪漁隱叢記 弟 渡以後故家遺老之舊聞故所載多元祐諸人 傳舊文不復追改亦類於不去葛冀然所據皆南 書名及所說人名字葢亦雜採而成其間如政和 而雜記諸條之中無所辨別竟似承國爲鵠之 三年與外弟趙承國論學數條乃出吕好問手帖 及南渡後名八言行捃拾頗多間或於條下夾注 州陸子逸遊則開禧以後 又稱朱翌為待制公陸彰為太傅公沿用其家 人也所錄自汴京故事 外

欽定四厘全書總目

亖

四朝聞見錄五卷江蘇巡撫 1) ニュラシ 宗航海 則建安其祖籍歟其厯官始末無孜觀所記 紀事稱其字嗣宗建安人與自述互異考所載高 與論其德秀諡議手東字之曰靖逸而厲鶚宋詩 宋葉紹翁撰紹翁自智龍泉人又書中載程 **禐雜其可採者要不少也** 薛黎政墓誌之誤亦頗有及据雖叢談瑣語間 議東坡小算子詞之非据宋邢奏議摘歐暘修 12、二一一小部等数 一條自稱本生祖日李穎士建之浦城 Ξ 次定四直を基題三一 送三三四二一子が 門 學一 慶元黨禁二事不及其他紹翁與真德秀遊故其 之頹其家聲縣在朱子之子無所隱諱 標題不以時代為先後惟丁集所記僅寧宗受禪 甲乙丙戊四集皆雜敘高孝光寧四朝軼事各有 殿試卷 可詳矣所錄分甲七丙丁戊五集凡二百有七條 **京城災周朝端諷其論事** 以朱子為宗然賣武夷山一 者比故所論頗 條則似亦嘗為朝官其所居何職 屬持平 條及與真德秀私校 南渡以後諸野史足 條乃深惜朱在 Ē 則不

金 ラ 日 八 三 章 永 耳 ■ | ラ 二 下 口 一 小 能家 類 二 體裁 即內 詩 **碵居易錄謂其頗涉煩碎不及李心傳書今核** 耷 補史傳之闕者惟李心傳之建炎以來朝野雜 以能建議 異記載家均所不免不以是廢其書也惟王 以劉禹錫題壽安甘崇驛詩為趙仲湜遊天竺 為精核次則紹翁是書陳郁藏 取 條 璽 周密齊東野語嘗摘其光宗內禪慈懿於 條 條又摘其南 又摘其函韓低胄首求 入史部而 園香 山 를 話腴嘗摘 和 :誤稱 其 詑

總督採 次子四車全書限三 **四名二百日一子**衙 雜識前集 州之癸辛街因以爲名與所作齊東野語大 朱周密撰密有武林舊事户 說家焉 近然野語兼放證舊文此則辨訂者無多 商維濬稱海所刻以齊東野語之 要義野語多記朝廷大政此則瑣事雜言居 九體例殊不相同故退而列之小說家從其類也 卷後集 卷續集 」著錄是編以作於杭 量 卷別集 致相 老瓦爾

「「一」「「一」「一」「一」「小説家類」

5

登記載而遺文佚事可資效 也書中所記頗 鰌兆火 晉爲刻入津逮秘書始還 佚之後烏程閔元衢於 別集誤作後集而後集續集則全闕又併其自序 朔齋再吳 條與野語重出益 條 一條並附注衢按云云葢閔氏所加 附注不題名字核其語意始亦閔 如姨夫 金間小肆 其原帙書中楊凝式 刪除未盡彌陀入冥劉 腿 眶諸條皆不 中購得抄

所記

椅重敬庵韓秋巖諸

次三四直全書源三人民一百四十一子部 我暴之云云夫是非之公人心具在使密果誣衊 辛雜識見其中載方萬里穢行之事意頗不平是 叛賊即使兩人面質人終信密不信回也况恍 思忽靈者其說荒唐殆不足辨且審爲忠臣回實 夜夢方來曰吾舊與周生有隙故謗我至此幸為 說忽之矣都穆南豪詩話曰吳興唐廣管手錄癸 方回不應有元一代無一人爲回訟冤至明而 條尤言言烱戒有關於世道人心正未可以 )弊言之最悉其引沈仲固語 條周平原語

藍

隨隱漫錄五卷兵部侍 金タレルと言いま 燻 夢語乎 丑為元世祖至元十八年則其人葢巳入元案 舊本題宋臨川 景定四年以布衣官東宫掌書又載辛已八 則隨隱非名也據所載錢舜選詩其人嘗於 隱而稱陳郁爲先君知爲臨川陳姓故題此名 所 水雲村搖稿載朱度宗御批 有陳世崇詩文稿都好可再揀幾篇來在來 的家 陳隨隱撰葢後人以書中 本郞 祀 一道云令旨付 Ξ 自 月已 理宗 稱 똅

歌起四直全話總目 人名三万十一子司 話而於南朱故事言之尤詳如紫宸殿 有史傳所未及者他昕 太子玉食批直書閣夫人名數孩兒班 郁字則其子當即世崇證以書中所記與此批 不遇園綺羽翼乃下訪藏一 其後以為度宗在春宫時盛年潛躍汲汲斯文惜 日定要千萬千萬四月五日辰初付陳藏 **脗合知隨隱即世崇號也其書多記同時人** 記詩話雜事亦多可采其 父子之果陋藏 二種諸條 心上壽儀 服飾孟享 燻 為 詩

荛

東南紀間三卷永樂 はグレノとデギー 年巴延渡 忠厚之造尤非他說部所及也 敗之 **肯假借古事以寓南朱臣降君辱之**條與 不著撰人名氏諸家書目亦不 一卷內論漢平帝后晉愍懷太子妃以下 由而終無 一人と「上」小説家類 大 一言之 《失守矣當為元人 後語丙子為至元十三年前 三顯斥猶有黍離詩 載效書中有丙 條

次世四重全書题目原始一百十一子部 惟論

城臨論

揖 **簥論三五九月一** 錢亦皆屬元人之語然於朱之諸帝稱陵名稱 益自神始論乘轎 !趙執中之木箭史嵩之之忮忍以及襊宗時 間與他書相出入疑亦維采說部為之 年號往往多內詞舜江左遺民所追記歟所 出市 僧之智 兩條偶涉古事餘皆南北朱之 一條稱宋朝於此三月不支羊肉 「術紹與中韋 條稱朱朝渡江以前無今之 苣 至於 廟

金久り屋と電子」からこと一小説家類 褻亦未免**墮小說窠**臼自穢其 書然大旨記述 世忠迎合秦檜浚之心術不可知世忠常萬萬不 至此恐未免傳聞失真而南嶽夫人一事尤為很 以為豪舉殊不可訓又汪勃調官一事稱張浚韓 談耗用茶局官錢一 寺僧之譎謀則皆史傳所佚足補紀載之 ·持論近正在說部之中猶爲善本原書久佚 無攻今以永樂大典分載於各韻下者裒合 事足見朱政之不 13 小綱乃載

歸潛志十 題 就試魁南京選充山西東路考試官後征南行省 出 辟置幕府凡七年而殁舊以金史載之文藝傳遂 序謂昔所聞見暇日記憶隨得隨書第 北還以此二字榜其室因以題其所著然晚年再 學生舉進士不第元兵入汴遁還鄉里戊戌復出 元劉祁撰祁字京叔渾源 日金人殊非其實是書名曰歸潛葢和於壬 西山之節不終亦非其實也卷首有祁 四卷浙江范懋柱 第一次 119月11 子前 家 人御史從益之子爲太 き 卷至六

欠百日置三計紀丁

**卷悉為金末諸人小傳第七卷至三十卷穕記** 事第十 十三卷悉為穕說略如語錄之體殊不相類疑此 之所以治平末造之所以亂亡自此二篇以下 媚之叔祁使撰文事又一篇題曰辨亡敘金前代 三卷詩交為第十四卷附綴於後後人因篇頁不 一卷題曰錄崔立碑事紀立作亂時廷臣立碑 篇本自為一 割語錄之半移綴此卷故體例參差也壬辰フ 一卷題曰錄大梁事紀哀宗亡國始末第 卷殿全書之末別以語錄為第

河 時而此志則載睿宗涉漢在辛卯十 南層宗由峭 傳 國志之誤元史稱壬辰正月太宗自白波濟河 出降於元此志不書出降與金史相合可證大金 略所紀相合可證元史之誤又如載天興元 **所言為據又若大金國志稱樞密使伊喇蒲 桺祁此志於金末之事多有足徵哀宗本紀全** 壬辰與金史及姚燧牧菴集蘇天 石灘涉漢而北以渡河涉漢 學事 ,狀記載胥得其質故金史本 荛 月太宗渡 同在 阿

**轅錄合而本紀但載十六年三月朔日蝕放** 通貨改為通寶通寶又改為通貨一條皆足以補 條載金代鈔法凡八易其名而金史食貨志失 **載薩克蘇媒蘗李元妃本紀不著其名載大定** 劉元規使北朝不知所終而金史本紀不書其事 大興元年正月朝廷聞大兵入饒風 正史之闕至於金史交聘表稱大定十六年 彦充申請使此志作祈請使圖克坦鳥登傳稱 年三月朔諸國使臣朝見遇雨放朝與周煇 關移鳥登行 朝

考談金源遺事者以此志與元好問壬辰雜編為 最金史亦並稱之壬辰雜編巳佚則此志尤足珍 月先後姓名官階與史不同者甚多皆足以資互 死 摘 州 省関郷以備潼關此志書其事於正大八年完顏 李英傳稱與元兵遇於霸州敗死此志作週於潞 思烈傳載王渥從思烈戰殁此志作從持嘉哈希 此志則云旣居位人望頗減皆有異詞其他年 郭 不知存殁師安石傳贊稱以論列侍從觸怒而 阿林傳稱朱兵大至遂戰殁此志作馬倒被

钽

金矢口厅三十六十 一房隨筆 國朝郭朝釘編纂金詩所採錄僅及前七卷知 見全帙 廀 鈔 當猶從元本傳錄錢曾讀書飯求記稱陸 貫 條內有余分教溧陽語知嘗為 元蔣子正撰子正不知何許 矣世所行本皆八卷雖傳是樓藏本亦然 本歸潛志 卷兵部侍 此本一 ラスニー 小説家類二 凡十 根本 四卷與王惲渾源世德神 四卷葢即此本也 紀 溧陽學官又 書中 杜善甫 孟

飲此四軍全島總目<br />
更卷了百四十一字部 有乖 道未為無理而反復解釋反似於貴有恕詞未免 欲褒忠義故造斯言歟至於以夏貴之降歸咎似 夫赴海之後亦以此詩為疑所言良允殆好事者 似 烏有吟咏之暇且詩中曾聞海上鐵斗膽句亦不 秀夫輓張世傑詩似出附會厓山舟覆鯨海沸騰 水棉卷事敘述始末亦比他書為最詳惟所記 之事而於賈似道事尤再三深著其罪於鄭虎 同時之語朱國楨湧幢小品謂世傑溺死在秀 大義觀者不以詞害意可矣 型 陸

ととうて

名グリアと言うし 居新 亦 元楊瑪 其 字元誠杭州 慎超授奉議 西盗羣 視之 月瑪自 功進階中 話 四卷新 如父母其像 撰瑪 **嘯乃** 改建德路總管瑀菈 跋結衡 大夫太史院判官至正 家江. 奉大夫云云是書卷末有至正 元史無傳楊 藏鮑 感間 本士 題中奉大夫 後 而祠 擢 而卷首又有維植 中 維 者凡十 瑞司典簿帝 棋集有 浙東道宣慰使 郡 有 -乙未江 瑪墓 視之如家 四所行省 愛 砰 東浙 庚 其 郡 廉 璑 最

戒者頗多至於辨正薩都拉元宫詞謂宫車無夜 中之死事則有禪於風教其他嘉言懿行可資勸 朱夫人陳才人之殉節記高麗女之守義記樊時 **閻始末記儀鳳司教坊司班次則有資於典故** 記動令格式四者之別記八府宰相職掌記奎章 高克杰弛火禁記托克托開督河則有關於民事 然如記處州砂糖竹箭記至元六年增糶官米記 其書皆記所見聞多悉以神怪之事葢小說家言 是年四月乃稱為歸田後作殆是年即已致仕歟 詑

르

逝 イントアンニーオー 昌 雑 欽 得云紫衣小隊兩三行北地無芙蓉官中無石 錄之流而視陶宗儀所記之猥雜則勝之遠矣 **貪看柳花飛過牆則亦頗有助於狡證雖亦輟** 其京城春日詩謂元制御溝不得冼手飲馬留守 大朝賀則於侍儀司法物庫關 司差人巡視犯者有罪不得云御溝飲馬不 不得云石欄杆畔銀燈過照見芙蓉葉 出之例不得云深夜宫車出建章擎執官八紫 老旗 ラニーい説家類二 用平日則無有 프 上霜又 回 耕 辨 首 欄 衣

其集以僑吳名而是錄仍題曰遂昌不忘本也元 官本遂昌人其父希遠徙錢塘元祐又流寓平江 學教授移疾去後七年復擢江浙儒學提舉卒於

**兀鄭元裕撰元祐字明德至正丁酉除平江路儒** 

元二十九年故書中所列人名上猶及見朱諸遺 **祐以至正二十四年卒年七十一則當生於前至** 

記宋末軼聞及元代高士名臣軼事而遭逢世亂 老下及見泰哈布哈倪瓚杜本併見杜本之卒多 亦間有憂世之言其言皆篤厚質實非輟耕錄諸

大治司里台灣處丁 ( ) 公司司户 | 子部

틸

金另口月三章和上一一之一下口一小說象類二 樂郊私語 閉戸安居從容論述故以 流寓海鹽時江南擾亂惟海鹽未被兵火尚得以 **嘗為餘干教授解官歸里自號桐江釣叟至正** 書捃拾冗雜者可比其記葬高孝二陵遺骨事作 宗諱亦誅心之論也 元姚桐壽撰桐壽字樂年睦州人順帝後至元中 由於高宗不由於秦槍朱旣亡矣可不必更爲高 林景熙與輟耕錄具葢各據所聞其稱南宋和議 老兩淮馬裕 以樂郊私語爲名雖若幸 当

次它四<u>中全</u>情愿目 ▼《卷二百四十一子部 輟耕銀三 明陶宗儀撰宗儀有國風尊經已暫錄 **曾芦注杜詩諸條亦足資攻證末載楊維** 不殺之於書內乃別載於末核以體例深屬有 **瀕足與史傳相然所辨六里山天冊碑泰槍像 今削除不載惟** 兄椿壽墓誌 言然其中如楊完者武陵之捷張士誠杉青之 實則傷亂之詞也所記軟聞到事多近小 卷两本府 一篇頗爲不倫桐壽欲表章其兄 欽桐 壽之本 書爲 觢 何 耿

ゴター人で言う 事紀 錄舊 則於有元 华 詑 體 未見傳 「集慶軍 猶未入明時 聞見瑣事前有 錄頗詳 ﹐俚俗戲謔之語問 1/ソンニーニー 小親家教 或曰江南遊軍葢 無由證瑛說之確否但就此書 所攻訂書畫文藝亦多足備系證 《客談通本錄之類皆攘爲已 法令制度及至正末東南兵 至正丙午 也 病其所載 即瑛七 里鄙穢之事煩 丙 孫作序書中 修類 為至 正二 분 稿削宗儀多 乖著作 作今其 稇. 匐 明

水東日記三十八卷兩准鹽 大臣四位在京即司。《金三百四十二十市 制度及 引旣繁亦不免時有狐牾又好自敘居官事迹 **男葉盛撰盛有葉文莊奏草巳** 此書以存而許其有禪史學則雖瑜不掩瑕固亦 論古者所不廢矣 志居詩話謂宗儀練習舊章元代朝野舊事實借 不免露才揚已 然其首尾眩買要為能留心於掌故故朱葵尊靜 一時遺文逸事多可與史傳相祭其問徵 之病王 士預作居易錄多自記言 攻 一著錄是書紀明代 註 殆

放 金気りなる言語が上 雜記 特為博治雕榛楷之勿翦亦蒙茸於集翠取長葉 多罕觀之笈故引據諸書亦較他家稗販成絢 最詳又家富圖籍其發竹堂書目今尚有傅本 又淺之甚者矣然盛留心掌故於朝廷 於辨請禁官舍家人操習 短 舍鬭鶴鴉不勝因有是奏深自剖析連稿不已 行有如家傅其源濫觴於此古八無是體例也 固未 「スニー」 小説が類 可資考證也 疏謂人 블 誣其子與官 颇

次至四世会长郎里 医三百十一子部 其中間有考辨如元王柏作二南相配圖葉 事皆並列簡編葢自唐朱以來說部之體如是也 秦武而博學過之是編乃其劉錄之文於明代 容與張泰陸釴齊名時號婁東三鳳其詩才不及 進士官至浙江右泰或事迹具明史亥苑傳史 獨嘆為卓識又文廟別作蹇殿祀啟聖公而配 何 野故質敘述頗詳多可與史相考證旁及談諧雜 明隆答撰答字文量號式齋太倉州人成化丙戌 · 彼穠矣野有死廣三篇於經義極為乖剌而容 朝

臣

金久口月二三条上一分二十一小郎家類二 於無謂孟孫激非聖賢之徒不當從祀尤昧於崇 四配之父其議發於熊禾而容謂叔梁充爲主

量為第 多王鏊嘗語其門人日本朝紀事之書當以陸文 功報本之義皆不足為據然核其大致可採者較 即指此書也 雖無雙之譽獎借過深

先進遺 明耿定向撰毛在增補定向有碩輔實鑑要覽 其所以取之者必有在矣 風二老兩江鄉肾 採進本 署太倉人其始末 則未詳也是害略

次后任民國工學等可以一一一一一 偷定向陳先進懿行以救時弊故所紀多居家行 Z 騎怙之日定向其有微旨乎其間如曲譽李東島 國敦麗之氣日遠日凋士大夫怙權營而風 操守礪品行存忠厚者為多葢明自嘉靖以後開 瞭繼 儒 秘 後 所 刻 體 例 混 所 青 典 衛 朝 不 甚 可 之見然著書大旨不在是略其小疵可也此本為 已之細事而朝政罕及焉考其蓍書之時正分宜 )類末免卿曲之私提唱姚江之學亦未免門 、典型錄之體載明代名臣遺聞瑣事大 抵嚴 尚


四五

觚不觚錄二 · 金叉口上了一部下 第一天 一下 一小說家 列二 **涉** 理屑而朝野軼聞往往可資考據若徐學謨 復舊觚葢感一代風氣之升降也雖多紀世故頗 記明代典章制度於沿革尤詳自序謂傷觚之不 明王世貞撰世貞有弇山堂別集已著錄是青專 物典彙載高拱考察科道被勃者二十七 在之書歟今未見定向之原本不可考矣 辨間有論斷亦不知為誰語以行然推之殆每條 一字跳行者為定向之書其第一字平書者為 卷安徽巡撫 事.

歌定四庫全書總目 | 後一百四十一子前 何氏語林三十卷安徽巡撫 備史家甄擇者焉 明何良俊撰良俊有四友齋叢說已著錄是 皆確非他人之稱販耳食者可比故所敘錄有足 說新語為藍本而雜採朱齊以後事迹續之併義 **晋裴啟語林之名其義例門目則全以劉義慶** 以被劾之故爲學謨所不及載於情事首尾尤爲 名氏說者謂其諳於故事而是書并詳及諸 **完具葢世貞弱冠入仕晚成是書閱厯旣深見聞** 푗 緬 世 因

陳咸者固所不免燃於諸醬姓互實多訂正 讀史訂疑所謂以王莽時之陳咸爲漢成帝時之 者乃轉勝之每條之下又仿劉孝標例自為之 亦頗為博贚其間摭拾旣富間有牴牾如王世懋 李垕續世說剽掇南北二史冗沓擁腫徒盈卷 採掇舊文翦裁鎔鑄具有簡澹雋雅之致視僞本 **慶原書共得**] 一十二卷紀元載妻王韞秀事援引考證亦未 ノニをいう 極確核雖未能抗駕臨川並驅干古要其語 17: 一十七百餘條其簡汰頗爲精審其 二八意家對 一如第 注

淵閣書錄 石小說家類雜事之屬八十六部五百八十卷皆文 根柢終非明人小說所可比也 家署錄亦往往牽混今以述朝政軍國者 此門世說新語古俱著錄於小 羅史其衆以里巷閒談詞章細故者則均 紀錄雜事之書小說與雜史最易相淆諸 翌 說其明例 隷





海經之名始見史 老蔵 **青**而不言其名山海經王充 伯益知而名之夷堅聞 而未言為何人所 獨角益所作 門馬遷但云禹本

金人下月 ときて来上脚/ラニーに一小説家教三 楚詞天問多與相符使古無是言屈原何由 **始周泰間人所述而後來好異者又附益之數觀** 長沙象 說亦同惟隋書經籍志云蕭何得泰圖書後又 **諭衡别通籍日禹主行水益主記異物海** 山海經相傳夏禹所記其文稍異然似皆因列子 無 一說推而衍之觀書中載夏后啓周文王及秦漢 所不至以 ,楚詞辨證謂其反因天問而作似乎不 郡餘暨下嶲諸地名斷不作於三代以 · 所見聞作山海經趙煜吳越春秋 得

於正四車全書總目<br />
陳後<br />
一百甲二十一 實矣郭璞注是書見於晉書本傳隋唐二志皆云 述之古有此學如九歌天問皆其類云云則得其 劉秀奏中一十八篇之數非缺佚也隋唐志又有 物飛走之類多云東向或日東首疑本因圖畫而 則朱志巳不著錄知久佚矣舊本所載劉秀奏中 郭璞山海經圖讚二卷个其讚猶載璞集中其圖 稱其書凡十八篇與漢志秱十三篇者不合七畧 二十三卷今本乃少五卷疑後人併其卷帙以 一應麟王會補傳引朱子之言謂山海經記諸異

台はノレノンニンオー 山海經廣註十八卷新江巡撫 國 實非黃老之言然道里山川率難考據按以耳 其文相傳既外个仍併錄為書中序述山水多參 朝吳任臣摂任臣有十國春秋巳著錄是書因 允核實定名實則小說之最古者爾 所及百不一真諸家並以為地理書之冠亦為未 璞山海經註而補之故口 神怪放道藏收入太元部競字號中究其本旨 秀所定不應自相抵牾疑其贋托然璞序已 かくこう!こ小前家教 1廣註於各物訓詁 51 郭

飲定召車全書級目 書註 聞 **戛然掎摭宏富多足為考證之資所列逸文三** 道 四條自楊慎 山之黄金青邱山 而旁徵典籍未免贅疣卷首冠雜述一 也舊 里皆有所訂正雖嗜奇愛博引據稍繁如堂 無 別本其為拜坂誤記無可致疑至應创 卷一百里二子部 禽 載 日鳞介云本朱咸平舒雅舊藁雅 四條則或古本有異亦頗足 丹鉛錄以下十八條皆明代之書 圖五卷分為五類目 之獨務雖販婦傭奴皆識其物 態 孤 篇亦涉冗 異域 以廣見 肵

穆天子傳六卷兩 イスノレート とこことう 寫 縣 晉 亦 引 何 郭璞注前有荷易序按束哲傳云太康二年 不瑣録焉 之 張僧繇其說影響依稀未之 川書目五百三十餘種多採自類書虚陳 由見而圖之故今惟錄其註 無論不其出雅與僧 不準益發魏襄王墓得竹書穆天 進 江 本總 **周食田法周書論** 小龍三美三 督 綵 削 圖川從 敢 訛 據其同 果 作確實二 子傅 删又前 亦 名 正 汲 列 亦

父已日正三十五日 一天三十日二子部 冬王北巡狩遂征犬戎事在傳之第一卷十四年 第六卷十七年王西征崑崙邱見西王母事在 夏王畋於軍邱五月作范宫作虎牢事在傳之 交多斷缺以今本竹書紀年較之紀年載十二年 東哲傳別出之非也此書記事有月日而無年 東哲傳所謂雜書之一篇也尋其交義應歸此 之第二卷第三卷第四卷|兩書同時並出荀朂等 五卷十五年作重壁臺冬王觀於鹽澤事在傳之 、盛姬事按个盛姬事載穆天子傳第六卷葢即 9 傳 倳

在日内日月 全電報里 人名二日日二小說家類三 西方一 卷於二卷之前以符竹書之次第則削趾適履矣 **今本紀年出於依托之一證或乃謂當移五卷六** 引紀年之交尚掇拾未盡况暇考其次第乎是亦 互校其交不應牴牾如此葢今本竹書紀年乃明 宗氏者亦僅國各無所謂魚龍變見之說較 食為大荒之圃澤無所謂神仙怪異之事所謂 書中所紀雖多夸言寡實然所謂西王母者不 ,撫諸書以爲之非汲冢之舊簡併郭璞註中所 國君所謂縣圃者不過飛鳥百獸之所飲 7

次世四重全基際目 《经二百四二子部 世所傳汲冢書師春之類久巳亡佚逸周書又屬 恭字號與杜光庭錄異記諸書同列 怒得擇采其文耳道藏目錄載入洞元部記傳類 時流俗有此記載如後世小說野乘之類故列禦 治故也列子周穆王篇所載與此傳相出入葢當 之談葢釋經不敢不謹嚴而箋釋雜書則務於博 大荒西經而不言其靈異其注此書乃頗引志怪 句不過曰西方昏荒之國於河出崑崙爐 經淮南子猶爲近實郭璞註爾雅於西至西 E 則牽附甚矣 旬 雖 世 5

第三卷云乃紀其迹於弇山之石其文甚明朱 膜為畫家之祖邱陵自出乃西王母謠見第三 張彦遠歴代名畫記誤以畫字爲畫字遂誤以 水之陽見第二卷膜晝自是人名封者錫以腎 文字旣古訛脫又甚學者多不究心封膜畫於 誤入紀年偽妄顯然其冥存於今者惟此傳矣然 方囘瀛奎律髓註陳子昻詩邱陵徒自出句乃云 自出二字疑誤第二卷云乃為鉻迹於縣圃 取穆天子傳為各蹟於弇兹石上

卷

珪

 $\exists$ 

河

**蛟定屑全書願目**《巻|百早|子部 聊 異經 所宜寶重也 然好迕則其傳世亦在若存若亡之間固考古者 卷內本府 嫌也 个退置於小說家義求其當無庸以變古為 可也以為信史而錄之則史體雜史例破矣 **愡無徴又非逸周書之比以為古書而存之** 月敘述西遊之事體近乎起居注耳實則恍 **案穆天子傳舊皆入起居注類徒以編年紀** 六

本傳亦無註神異經之文則併華 舊本題漢東方朔撰所載皆荒外之言怪誕不 向七畧所不載則其為依托更無疑義晉書張 云云則朔書多出附會在班固時已然此書旣劉 非其贊又言後世好事者取奇言怪語附著之 所撰述言凡劉向所錄朔書俱是世所傳他事皆 方朔撰張茂先傳之僞今考漢書朔本傳歷叙 共 1 四十七條頭振孫書錄解題已極斥此書稱 注亦屬假借

朔

搠

東

經

孫所疑誠爲有見然隋志載此書已稱東方朔

振

次起四軍全書總目 《卷三百至二子部 聞 先後並出故其中西北荒金關銀盤明月珠事 詠序引用之流傳旣久固不妨過而存之以廣異 倕石阏銘引用之其中玉女投壺事徐陵玉臺新 齊梁當由六朝文士影撰而成與洞冥拾逍諸記 張華注則其偽在隋以前矣觀其詞華縟麗格近 文人詞藻轉相 所不載注稱獸似獅子實本此經北方有獸焉 如獅子名日獇之文則小學家已 又考廣韻去聲四十一樣收樣字說交玉篇皆 採撫已也隋志列之史部地 七 相 援據 陸 其 類

海內十 るとしたとうちり 武 朔 滄 長 舊 未安今從文獻 唐 之事既有異於與圖亦無關於修煉其分隷 们 海島方丈 洲 木 洲 志又列之子部 題漢東 對君之詞或 出 元 能盡朔之 川洲流 リインニー! 二小頭家類三 卷 洲 洲 採耐 朔 扶柔蓬 通考 生 進江 一術故 一稱武帝又似追記之文又盛 洲 本總 神仙類今核所言多世外 督 列 鳳麟洲聚窟洲也又後 小說 邱崑崙五條其言或 州者祖洲嬴洲 類中庶得其實 則似道家夸 懸 洲 稱 附 奖 均 恍 斸 惚 稱 臣 洲

**秋定四庫全書總目** 卷百里子部 賦曹植 觀其 注 林園在 貞 事 改為華林武帝時安有是號葢六朝詞 無 張 晉武帝華 此 知 衡 引 出 大抵恍惚支離不可究詰考劉向 浴 南 漢 衛 城內東 書中 神 叔卿 都 武 賦米 內傳後也然自隋志已著於錄李善 載武帝幸華 賦郭璞遊 林 事知 北 園 集詩李善註 Ī 隅 出神 風 魏明帝起各芳林園齊王 賦鮑 仙詩第 林 仙傳後引五岳真 照舞鶴賦張衡思 園 引洛陽圖經 射虎事案交 首第七首江 所鋒朔 所 形 遯 依 華 圖 抵 應

漢 武故事 德 銘並 擬郭璞遊仙詩夏侯元東方朔畫贊陸 山海 **也諸家蓍錄或入地** 黑色謂之冥海無風洪波百丈則通儒 其文矣唐 本題漢 明 經典釋文亦於莊子北冥條 引其文為證足見其詞條豐蔚有助文章 經同退置 卷採江 人詞 班固撰然史不云固有此書隋志 進蘇 本巡 賦 小說家焉 こり形象数三 撫 引用尤多固 理循名責實未見其然今與 一錄異者 引此 所不 極新刻 訓 能 F 廢 陸 漏

次三日中台诗题目《吴二百五二子部 衛子夫事此本雖有之而文反略於善註考隋 故事二條其一爲柏谷亭事此本亦無之其一 故事者乃皆無之又李善注文選西征賦引漢武 51 考也所言亦多與史記漢書相出入而雜以妖妄 傳 之語然如藝文類聚三輔黃圖太平 洞冥記跋謂出於王儉唐初去齊梁未遠當有所 此書二卷諸家著錄並同錢曾讀書敏求記 甲 記類中亦不云固作晁公武讀書志 帳珠簾王母青雀茂陵玉椀諸事 ľ 御覽諸書所 和出漢 引張聚之 志 寫 武

漢武帝內傳 種云爾 舊本題漢班固撰隋志著錄二卷不注換人朱 **亦注日不知作者此本題日班固不知何據殆** 又非兩家之本以其六朝舊帙姑存備古書之一 逸史所刻併為一卷僅寥寥七八頁葢已經刊 兩存之云云兩本今皆未見此本為明吳琯古今 尚作二卷稱所藏凡二本一是錫山秦汝操繍 堂本一是陳文燭晦伯家本又與秦本互異今 採進本 削

石

欽定四庫全書總目 《卷一百四二字部 才語相 甲高擅玉函之句實用此傳六甲 以白玉函語則其偽在齊梁以前又考郭璞游 景與誥體格相同考徐陵玉臺新咏序有靈飛六 固灼然無疑其交排偶華麗與王嘉拾遺記陶宏 東方朔傳贊稱好事者取奇言怪語附籍之朔 有 ·乃載朔乘龍上昇與傳贊自相矛盾其不出於 因漢武故事偽題班固遂併此書歸之歟濮 漢 武 合葛洪神仙傳所載 非仙才句與傳中王母所云殆恐 孔元方告馮週語 **慶飛十二事** + 非 封 Í 璵 仙 仙

傳中稱受之者四十年傳一人無其人八十年 Met felt. 11 / 1 こ小部家巻

注文選洛神賦巳引博物志此語足信為張華之 亦合个本博物志雖眞偽相參不足為證而李善 王母七月七日漏七刻乘紫雲車來云云與此傳 **敬天寶云云相合張華博物志載漢武帝好道西** 顿授二人非其人謂之泄天道得其人不傳是謂

注大宗師篇西王母亦引漢武內傳云西王母與

元夫人降帝美容貌神仙人也事與今本所載

舊文其殆魏晉間文士所為乎陸德明莊子釋文

欧定四車全書總目 卷三百空三字前 騁眄 舒守 之 別士 詩引漢武內傳西王母侍女歌曰遂乘萬龍 **窓事知古本當有此一** 商隱詩曰玉桃偷得憐方朔金屋修成貯阿嬌 求記曰漢武內傳一卷孱守居士空居閣校本案 同 目叉脱朱鳥窻 如何漢殿等針夜又向窗前覷阿環皆用朱 而交句逈異或德明樂括其詞歟錢曾讀書 別號常 九野二句 也熟 馮廣記刪去元靈二曲及十二事篇 正元靈曲中語知古本當有 段對過始知此本為完書案李 段李善注文選郭璞游

上

アイメントリー と言うオー 漢武洞冥記四卷江蘇 鳥懲 **曹本題後漢郭憲撰憲字子橫汝南朱人官至** 之本非完書矣 母事後有淮南王公孫卿稷邱君八事乃唐終南 又 曲錢曾所云良是今檢此本亦無元靈二曲及 元都道士游巖所附今亦無此八事葢明人刪竄 玉海引中興書目日漢武帝內傳二卷載西 投而有十二事之篇目與曾所說又不 並具後漢書方術傳是書隋志止一 ノノンニーニ小説家類三 本巡撫 朱 同

次百里基合居為目 / 名三百日二字部 塒 皆相符合益猶舊本考范史載憲初以不臣王 憲序與拾遺俱已佚惟存此四卷核以諸書 覽中抄出則四卷亦非全書别錄當即拾遺也今 著故曰洞冥陳振孫書錄解題云其別錄又於御 稽浮誕以匡諫洞心於道教使冥跡之與昭然 志 至焚其所賜之衣逃匿海溪後以直諫忤 志始作四卷文獻通考有拾遺一卷晁公武讀書 有關東稅熊郭子橫之語濫 引憲自序調漢武明雋特與之主東方朔因 亦剛正忠直之 트 光 武市 所 亦

在大口屋公司等系上 人名一下巴丁小沁家類三 塒 尚書於李克一條您謬支離全罪事實朱藏尊 華足供采撫至今不廢良以是耳若其中伏生受 依託為之然所言影城池事唐上官儀用以入詩 必真出憲手又詞句縟艷亦逈異東京或六朝 無已不可定至於此書所載皆怪誕不根之談未 徒以噀酒救火一事遂抑之方術之中其事之有 採以入經義考則嗜博貪奇有失別擇非者書之 例矣 稱博治後代文人詞賦引用尤多濫以字句

抓

大艺里主 拾遺記十卷萬店 羅 術傳故舊本繫之晉代然嘉實持秦方士是時 年之後入東晉久矣綺亦約畧言之也嘉書葢仿 卷記石虎炼龍至石氏破滅則事在穆帝永和六 也綺序稱文起義炎以來事迄西晉之末然第 中雲擾與典午隔絕久矣稱晉人者非也其書 補綴定為十卷并附著所論命之曰錄即此 九卷二百二十篇後經亂亡失殘缺梁蕭綺搜 王嘉撰嘉字子年隴西安陽人事迹具晉書藝 络limgLi字部 凸 關

搜神記二十卷成府 舊本 備錄六朝舊笈个亦存備採掇焉 **育腴無益經典而有助文章者欺虞初九百漢** 獎賊臣尤為乖迕綺錄亦附會其詞無所斜正然 皇娥讌歌之事趙高登仙之說或上誣古聖或下 郭憲洞冥記而作其言荒誕証以史傳皆不合如 歷代詞人取材不竭亦劉勰所謂事豐育偉解富 作即領國史遷散騎常侍事迹具晉書本傳史 題晉干寶撰寶字令升新蔡人元帝時以著 タラー 小説歌類三 欧定四世全計80日 (8)百里二子市 廣記 王芳紀引其火烷布 松之三國志註魏志明帝紀引其柳谷石 或云干寶撰非也案此 所刻後以其板歸毛晉編入津遠秘書者考太 **操崇交總目則云搜** 志俱著錄三十卷宋志作搜神 化為此書其自序 | 寶鳳父 所引一 **,
婢再生事** 與此本 河總 篇亦載於傳內隋志新舊 一段集古今靈異神 條蜀志糜竺傳引其婦 相同以古 海條 此本 記十卷不著撰 總記十 為胡震亨秘冊 当所引證之 古 -卷亦云 派 人物 人名 條 平

イントノとデガー プラニー小説家類三 赐 女子 寄載 故 其李娥 劉昭續漢志註五行志荆州童謠條下引其華容 此本中劉孝標世說新語註引其盧充金盌 引其夢月 殿 詩引其文顥字叔 道條下引其旄 條建安四年武陵充縣女子重生條下 條吳志孫策傳引其子吉 條地理志馬邑條下引其秦人築城 一條桓帝延熹七年條下引其大蛇見德 條朱夫人傳引其朱主 頭騎 良 條李善註王粲贈文 條註思元賦引其張 P 條吳夫人傳 條皆具在 叔 條

大百月日書紀日 英三日日二子前 澤中有龍鳴鼓則兩一條五行志建安七年醴 理志緱氏條下引其延壽亭一 韓憑化蛺蝶一條此本乃作化鴛鴦郭忠恕佩觽 此本即寶原書惟太平寰宇記青陵臺條下引 幾史通引其王喬飛舄一條亦皆具在此本中 二年豫章民楊度一條凡三見琵琶字安陽城南 一篇稱干寶搜神記以琵琶為頻婆此本吳赤鳥 條亦有琵琶字均不作頻婆又續漢志註 條註鮑搖擬古詩引其太康帕頭一條劉知 條巴郡條下引其 1

金云又日五雪電彩 一名一正日二小就家類三 隘陋故罅漏百出輯此書者則多見古籍頗明 以他說亦與博物志述異記等但輯二書者耳 其書敘事多古雅而書中諸論亦非六朝人不能 作與他偽書不同疑其即諸書所引綴合殘交附 見似决無連篇鈔錄一字不更之理殊為可疑然 兩漢書五行志司馬彪雖在寶前續漢書寶應及 說石圖一條此本亦皆無之至於六卷七卷全錄 **儋臺子羽**一 山鳴條下引其論山鳴一條李善蜀都賦註引其 條陸機皇太子宴元圃詩引其程猗

7

次至星星等學习 地 经三百里三子部 此不過從法苑御覽藝文初學書鈔諸書中 中有干實搜神記大駭曰果有是書乎余應之 書也胡應麟甲乙剩言曰姚叔祥見余家藏 **惔卒於明帝大寧中則書在尚加鎮西將軍之前** 尚為鎮西將軍在穆帝永和中寶此書嘗示劉恢 謝尚無子一 例 二十餘年疑為後人所附益猶未考此條之非 日出誌怪錄是則据拾之明證胡震亨跋但稱謝 故其文斐然可觀非細核之不能辨耳觀書 條太平廣記三百二十二卷引之註 Ķ

搜神後記十 金 汽中月公庫并 ■ | 分一下日二小說家類三 舊本題晉陶曆與中記桃花源事一 書皆此類也斯言允矣 事陶集多不稱年號以干支代之而此書題永初 賢父婢事亦全錄晉書剽掇之迹顯然可見明 所載詩序惟增注漁人姓黃名道眞七字又載 耳豈從金函石匱幽巖土窟掘得耶大抵後出異 士龍跋謂潛卒於元嘉四年而此有十四十六年 嘉其為偽托固不待辨然其書文詞古 老两本 條全錄本

次宣召中全替题目《《卷三写召三子部 威化鶴阿香雷車諸事唐朱詞人並遞相援引承 此本所載相合知今所傳刻猶古本矣其中丁 畧及牛肺字作牛肚茗瘕字作針二瘕其事亦 城 用至今題陶潛撰者固妄要不可謂非六代遺 吐一物一條與此書桓宣武督將 封演見聞記引其中有人因病能飲一 **嫁各其來已久又陸羽茶經引其中晉武帝時宣** 以後人所能隋書經籍志著錄已 人秦精入武昌山採茗一 條與此本所載相 一稱陶潛 H 條僅文有 一斛二斗後 則 合 詳

異苑十卷 金大平人公言系王 → カニュー小説家類三 嘉三年爲給事黃門即太始中卒又稱嘗爲劉毅 宋劉敬叔撰敬叔朱書南史俱無傳明胡震亨始 多蓄憾诋毁之詞則震亨之言當為可信惟書 江州福躁愈劇又載毅妻為桓元所得擅罷有身 郎中令以事忤毅為所奏冤官今案書中稱毅 採諸書補作之稱敬叔彭城人起家小兵祭軍元 也 稱義熙十 採進本 撫 三年余爲長沙景王驃騎衆軍以

致尚為完整與博物志述異記全出後人 時臣子之詞疑已不免有所佚脫寫 間太平御覽所引傳承亡餓 所載相合劉知幾史通謂晉書載武庫火漢高 偶疏也其書皆言神怪之事卷數與隋書經籍 高祖 蛇 刺史與敬叔所記相合而震亨傳中未之及 / 劍穿屋飛去乃據此書載入亦復相合惟 為宋武帝裕直舉其國號名諱亦 / 矣二十里二子階 一件傳考之時方以驃騎將軍領 條此本失 亂然核其 載

次言其言思了

ĩ

齊諧記 案唐有道士吳筠乃大歷時人是書隋志著録 證亦不少矣 朝 深吳均與均事迹具梁書本傳唐藝文志作吳 書乃知別有 胡奴事據 以後所能作故唐人多所引用 同且其詞旨簡澹無小說家猥瑣之習斷非 進蘇 世說新語但知為侃子小名勘 事甫之援引為精切則有稱於 木巡 撫 如杜甫詩中 類聚已先引

杜

陶

こうしまし ひにりりいし 月七 陸機豫章行引其田氏三荆樹 書亦為失考所記皆神怪之說然李善注文惡 說家亦並載之然則均書質續無疑友謂前無其 前有朱散騎侍郎東陽無疑齊諧記 云爾前無其書也案隋書經籍志雜 友跋日齊諧志怪葢莊生寓言今均所續将 **文非筠明甚唐志葢傅寫之訛吳琯刊本有元陸** 日夜詠牛女詩引其成武丁 引其霍光金鳳蔣 ,此二一二子部 蔣潛通天犀導 條於謝惠連 條章 七卷唐志 傳 類均 絢 劉 書 禹

還院志三卷两府 **冤志二卷考朱史藝文志作顏之推還冤志太** 唐書藝文志作冤魂志三卷文獻通考作北齊還 **隋顔之推撰之推有家訓已著錄此書隋志不載** 於太平廣記諸書內抄合成編故偶有遺漏敷 述其始末甚備而今本無此條豈原書久佚後 天台 在唐時已援為典據亦小說之表表者矣惟劉 條張彦遠歷代名畫記引其徐邀畫鯔魚一 一事徐子光注李瀚蒙求引續齊諧記之交 條是

次 它自由企計 8月 一个 第二百万日子前 盛談因果之 載釋庭藻續北齊還冤志 侍即顏之推撰遂誤以冠於書名上歟觀宋史又 韻更不得目以北齊殆因舊本之首題北齊黃門 寫之訛至書中所記上始周宣王杜伯之事不得 **人矣自梁武以後佛教彌昌士大夫率飯禮能** 記所引亦皆稱還冤志與今本合則唐志為傳 切韻序則開皇之初尚與劉臻等八人同時 北齊即之推亦始本梁人後終隋代觀陸 一推家訓有歸心篇於罪福尤為篤 卷則誤稱北齊

金 気を見る言系す 一名一下四二小前家類三 亦未嘗 故 申 嗣 害於義矣陳繼儒嘗刻入秘笈中刊削不完僅 氏之大厲趙王如意之蒼大以及魏其武安之事 固有之尚非天堂地獄幻杳不可稽者比也其文 此書所述皆釋家報應之說然齊有彭生晉有 卷此本 亦頗古雅殊異小說之冗濫存為鑑 生鄭有伯有衛有渾良夫其事並載春 不載於正史强魂毅與憑厲氣而爲變理 乃何銓漢魏叢書所刻猶為原帙今 戒固亦 秋傳 趙 存

大百里在底影目 集異記 殘葢在當時 凡十六條晁公武讀書志稱其首載徐佐卿化 引 何地 唐代士 唐 光州刺史其里籍則未言此本卷首題日河東 薛 此本正以此條為首與晁氏所記合蓋 載其太和中自儀 卷 則未之知三水小順 用弱娯楽唐 父:江雪西江宁市 一族率題郡望劉必彭城李必隴 **採進本** 稱良吏其事迹亦無考也是書 撫 書藝文志載用弱字中勝 曹郎出守弋陽為政嚴而 不順記三百十二次多城李必隴西其次 Ē 猶舊 肵 卷見 確 長 不师太生

金分足屋合置 不上 人名二下四一小說家類三 俱 振 隸蔡少霞我亦伯仲山元卿者即用其事卷帙 容齋隨筆推為奇作蘇城與子過詩所謂 旗亭畫壁諸事皆出此書其良常山 其敘述頗有文采勝他小說之凡鄙世所傳 集異記一卷與用弱此本名同故文獻通考題 無此名不知振孫何本又唐比 孫書錄解題謂是書一名 而歷代詞人恒所引據亦小說家之表表者 集翠裘王維鬱輸袍王 一積薪婦 古異記然諸家著 部 姑園棋王之  $\equiv$ 郞 新官路洪邁 中陸勲 爾應 狄 陳

欽定四軍全計總目 《卷]百里·汀部 博異記 其作也其說亦似有依据然古無 書志載老子指歸十三卷亦題谷神子註不著 勲書 應麟二酉綴遺則日唐有詩人鄭還古嘗爲殷七 公武所言書名卷數皆合則谷神子其馬廓歟胡 舊本題唐谷神子還古與不著姓氏考晁公武讀 氏而唐書藝文志有馮廓注老子指歸十三卷與 七作傳其人正晚唐而殷傳文與事皆類是書點 卷江蘇進本 日陸 |氏集異記以別於用弱書焉 亖 明文闞所不知 姓

特忌故隱其名前有自序亦稱非徒但資笑語 衉 贍而所錄詩歌顏工緻視他小說為勝惟師曠鏡 亦鈔合而成非完帙也所記皆神怪之事敘述 濟陰大水谷神子與全質同舟云云此本無之葢 廣記三百四十八卷載李全質 微陰隱客岑文本沈亞之劉方元馬燧十人太平 可矣其書載敬元頡許漢陽王昌齡張竭忠崔元 ノイジン 組 顯箴規或冀逆耳之詞稍獲周身之戒今觀 條不似三代語爾陳振孫書錄解題謂語! 1 1 ころ的多数と 條稱會昌士 觸 雅 戍 抑

杜陽雜編三卷兩淮鹽 祖述王嘉之拾遺郭子横之洞冥雖必舉所聞之 以三字為標目其中述奇技質物類涉不經大抵 廣德元年下盡懿宗咸通十四年凡十朝之事皆 **唐蘇鶚撰鴞有演義已著錄此編所記上起代宗** 年某國所貢者如日林大林交單吳明拘弭大 確為本書非出依托未審其寓言之旨何在也 人以實之殆亦俗語之為丹青也所稱某物為某 載殊不見觸忌之語而證以太平廣記所引又! 政 亖

前定錄 とうして 海大氏 顯然 志 葱嶺漢書唐書均有明交而云在 此 **今沿用殆以是敷** 問赐居 名諸帝本紀亦無其事即如夫餘國久併 以文宋 昌淛東條支鬼谷訶陵 者矣然鋪陳縣艷詞 而云武宗會昌元年夫餘來貢罽賞 武功之 1 勝者讀者挹其花藻遂亦忘其夸飾 二二小龍家獅三 其日 杜 浙 鮑 杜 完雅 唐書外 陽雜編者晃公武 賦恒所取材 因地以名其書云 四海 ≣ 固小 國傳旨 舛 迕 地 讀 說 於 渤 50

次世界基合情想目 顺 关三百日二十部 續錄一 說 文志作 以唐明皇與唐元宗析為兩條知為雜采類書 تللا 識之士知其不誣奔競之徒亦足以自警較他 唐鍾郸撰郸 曹然小說多不免附會亦不能獨為此書責 類實繁其間亦有鄰委曲以成其驗者監即 為有勸戒高彦休唐闕史曰世傳前定錄所 三則與書錄解題所言合前有自序稱應達 卷不題換人名氏書錄解題亦載之 鐘縮未詳就是也是書所錄前定之事 和中人官崇文館校書 i 源患 書 載

杜苑叢 金ラアガノニモネモ 名二アリニ小説家類三 絮新 城 背前 笈 嚴 成 後為史 失 談 ガ題 休撰不著姓名晁公武引李淑川即書目云 錄為宋王鍾 疑馮翊子其號而子休其字也陳繼儒刻入 於刪併又柳宗元一條乃全引龍城錄語龍 唐書藝文志載桂苑叢談 巻 條皆載咸通 為唐子休馬 藏內本府 八條其 [偽與則非唐以前書明矣 翊若 以後鬼神 條 顛倒其交談之甚矣其 怪異及瑣細之 唐代 卷註日馮翊 뒫 雜 妙 秘 子

次正里並在背恩目 以 第二百里二丁都 剔談錄一 露亭一 藝文志作康斬以其字駕言證之二字義皆相 唐 復二年時始封楊行密為吳王故子休以此稱之 然則作是書者其江南人歟 中未及刊削者疑已經後人竄亂非原書也其甘 宏度酷虐諸事齊隋本史皆已載之又似摘鈔卷 條 康縣撰王定保摭言作唐縣葢傳寫之訛唐書 則兼及南北朝然如高浟捕賊高延宗縱恣崔 一卷浙江巡撫 條稱吳王收復浙右之歲者當爲昭宗 菎

在大里近台青江 議論附之凡四十條今以太平廣記勘之一 傳從廣記則級此條訛為潘鶴碎遂不可解 是書成於乾寧二年皆記天寶以來瑣事亦間 未 本 池陽人乾符四年登進士第官至景文館校書 本為善矣其中載元微之年老擢第執贄 合 有臨安府陳道人書籍舖刊行字蓋猶影抄 非當時全部收入即後人從廣記抄合也此本 詳孰是然諸書引之皆作馴疑亦唐志誤也斯 如潘將軍 條注中疑為潘鶻建字今本劍 Ē 知 相 此 俠 訓

欽定四軍全書總目 第一卷一百早二万部 宣室志十卷補遺 学 艾 唐張讚撰陳振孫書錄解題 互陳其 在讀者者證其得失耳 於質亦稱前輩記容執實造門反遭 形相 志載讀建中 根 條古夫子亭雜錄辨之日案元擢第既非遲 邚 近義亦 風自古未 此其論最當 卷内 兩通未詳熟是也深州 西狩錄十 可全以為據亦未可全 本府 然 和官 不以是廢此 · 卷 註 5所逃半 稱讀字聖 日讀字聖 芙 輕薄 出傳聞 一朋唐 家 用 V 小說 也 書藝 眞傷 朋 爲 用

そうしんという 其 新 士第不言其為吏 休復之子紫蕾 侍 終 累 唐 外 唐志為誤矣是書 尚 即高彦 官 書 敷補 旭 書左丞 至中 附見其 牛僧孺嘗作元怪錄讀少 ショーニニ 小説家類 遺 書含 休 唐 新 祖 卷舊 復唐 闕 唐 人禮部侍 張薦傳中 部禮 書 書 史亦 本併題 所記皆神 藝文志 牛 僧 部 稱 孺之 退 以 即典貢舉 稱其登 典貢舉之交證 侍 則 稱 即讀 児靈異之 外 然諸 M 孫年 為僖宗時 進 Ξ 智見故 爲 時 土 員 第有俊 稱 事豈 儿 外 得

芝

봡

登

淮

吏部

位

材

則

張

次芒里里全書如三 爾/ 炭二三三二字部 唐闕史二卷浙江鮑士 考舊唐書高錯傳錯於太和三年以吏部員外 及第 舊本 特附訂其失無讀者有考無相沿用焉 葢取漢文帝宣室受釐召賈誼問鬼神事然鬼神 以題誌怪之事於義未當特久相沿習不覺耳今 無之疑刊刻者撫他書所引載於後也宣室之義 對雖在宣室而宣室之名實不因鬼神而立取 題唐高彦休撰彦休始末未詳書中鄭少尹 條有開成二年愚江夏伯 É 祖再司文柄 瓿 則

金文中人一章 并上 人人一下口二小說家類三 年出為 皆失錯之里籍遂不知意休為何地人耳陳振 官 思東觀餘論有此書跋云敘稱甲辰歲編次溢 朱史藝文志載闕史 舍人權知禮部貢舉尋為禮部侍郎掌貢部者三 奉詔審定物試別頭進士明經開成元年以中畫 一蟒解題日彦休自號珍寥子唐藝文志注 品事跡俱合則意休當爲錯之從孫惟新 体關史三卷分為兩書兩人殊為好誤又黃伯 鄂岳觀察使而卒鄂岳正江夏之地所言 卷註日參寥子述又 三 載 同

次三四車全書總三 人民三四日一丁部 甲午之訛下距中和四年僅十年不應即能者書 **葢五代人也是書諸家著錄皆三卷今止上下** 由是以後惟晉開運元年為甲辰上推乾符元年 宗中和四年而其間有已書僖號者或後人追改 賈長卿嘗辨此書所載白居易母墮井事此本無 卷似從他書抄撮而成非其原本張耒宛邱集 〒子生年當七十一歲尚有著書之 理然則 意休 之今考序中自言乾符甲子生乾符無甲子當為 之是亦不完之一 証然自序言共五十

金大平月とランオーノクコード三小説家類三 談也 鳴非姓單諸事亦足以資考証不盡小說荒怪之 官之蔭子盧携之議鎮州皆足與火傳相參訂李 他如皇甫提作福先寺碑劉蛻辨齊桓公器单長 所載如周墀之對文宗崔闖之對宣宗鄭薰判宦 俘閥下臨刑幻化仙去事以為導逆其說甚當然 歟王士禎居易錄護其首載李師道之黨丁約獻 可及戲論三教 上下二卷又似非有脫遺者或後人併追改其序 條謂伶人不當授官持論尤

次至四重全書總司 《卷二百里二戶部 中 史不知儀何所據也周亮工書影日甘 然但有儀序而無郊自序儀序稱郊為唐祠 為毛晉所刊云得之華陰楊儀篇數與讀書志 有書今楊夢羽所傳皆從他書抄 以春雨澤應故有甘澤成謠之語以名其書 唐袁郊撰晁公武讀書志云載調異事九章咸通 考 久雨臥疾所著陳振孫書錄解 新唐書宰相世系表郊字子乾官至 採進本 巡撫 題述其自序 芜 詺 號 部 本 刺 刚

金として人とリーンオー・シークニーロこ小説家教三 或 載與太平廣記所引者 魚 見唐人小說有甘澤謠載魚服記甚詳今此 **今考亮工所稱夢羽即儀之字其所稱先出之** 為甘澤謠以行者則夢羽本又順書中之重僖矣 本今未之見錢希言猶園薄明經為魚 不得獨指儀本為重懂又哀輯散供重編成帙 服記豈希言所見乃先出 日葵羽本未出時**已**有抄太平廣記二十餘條 不得謂之贋書所論 殊為未允其書雖 相符則兩本皆 一本耶然據此 3 條稱當 本 本無 出 廣 肵

| 欽定四周全書||総目 | 巻||百罕二子部 開 天傳信記 禮 談矣 騎常侍好以詩謠 唐 夢得避暑錄話謂惟悠遂不見於書傳今考此書 流 證師古偽註之謬是亦足資考證不盡為無益 胸 眼條中質有布衣焦遂而絕無口吃之說足 部 ,鄭綮撰綮字蘊武滎陽人登進士第累官 ihi 侍 項事軼聞往往而在如杜甫飲中八仙歌葉 厠 卷浙江鄉 同中書門 托諷耶宗意其有所蘊蓄擢 下平章事所謂歇後鄭五 本士 至 右 散 爲

インノムニーオー アンノニーリニハ記象数三

原本首署其官為吏部員外即本傳顧未之及或 歷監察殿中倉戸二員外金刑右司三郎而是書 時事可知者即其人也舊唐書本傳稱於當

以傳信為名其紀明皇戱游城南王琚延過其家 史文有所脫漏數書中皆記開元天寶故事凡 十二條自序稱簿領之暇搜求遺逸期於必信 故

謀誅韋氏一條据唐書琚傳乃琚遐補主簿過 太子乘機進說以除太平公主並無先過弱家之

謝

事司馬光作通鑑亦不從是書惟新唐書兼採

神錄六卷旗 隨李煜歸宋官至直學士院給事中散騎常侍 種焉 久諸書言唐事者多沿用之故錄以備小說之 符錄諸事亦語涉神怪未能盡出雅馴然行 復卜居韋杜蔡所紀恐非事實宜為通鑑所不 又如華陰見岳神夢遊月官羅公遠隱形寒比善 然華氏稱制時琚方以王同峻黨亡命江都安得 徐鉉 換越字鼎臣廣陵人仕南唐為翰林學 本府 亖 11 旣

台ラレノベニーデー 文但書 南唐 傳是 原 作 凊 秱 稄 書 唐明 泰 用] 自 初 中 É 編皆 坐界謪靜難軍 J 未 歲至 HI 顯德 宗以後 年迄於 惟 1211二二十記家数三 記 年 乾寧天 此書 Ξī. 神 號 年 則但書甲子考馬 周 乙 怪 用中 獝 復 世宗顯德二年 圳 宋 之 凡二十 天亦 在 以後追改之 事晁公武讀書志載 司馬卒於官事 原 李璟去 開成 正 朔士 年 同 則 帝號前 猶未 永 光書其年 始 Ξ 迹具宋 夫 卿 於 後唐 以 懶真 入宋 = 年 爲 其 廢帝 史 號 塒 自 殆 耻

肵

神

本

序.

次三百五合學思丁 專 **趁實與編纂精神錄鼓所著也每欲采撷不敢** 合案楓蔥小順云太宗命儒臣修太平廣記 有拾遺十三事與晁氏陳氏所云卷數條數俱 書錄解題云元本十卷此無卷第當是他書中 出者案个本止六卷而反有一百七十四事 後 傌 於是此錄遂得見收疑是錄全載太平廣記 輒示朱白使問李昉昉曰詎有徐率更言無 所追收數讀書志云所載一百五十事陳振 吳稱南唐日江南其官亦稱偽某官 经二百世二字前 É 亦入宋 末 特徐 稽 銤 孫

金发五人三系手 列諸書凡一 後人錄出成帙而三大書徵引浩博門目叢 为二下上二小於家類三 名叠見者太平御覽皆作又字交苑 雜 所

連 英華皆作前名字廣記皆作同上字其間前後 以甲蒙乙者往往而是或緣此多錄數十條亦

好大言誇誕鉝喜之館於門下稽神錄中事多亮 可知也讀書志又云楊大年云江東布衣蒯亮

昔年 聞有蒯先生二十年來道不行抵掌會談 情則趁客實有蒯亮然不

所言考越騎省集中有送蒯參軍亮詩前四句云

俗

次至智度在計學引展(B)写型二字部 江淮異人錄二 **兽积二十年之力成精神錄** 俠客術士之事凡唐代二人南唐二十三人徐 穚 備載洪邁夷堅志諸序稱其三志庚集序考徐鉉 宋吳淑撰淑有事類賦巳著錄是編所紀多道流 之於亮則不題亮名者似非亮語趙與皆賓退錄 說鬼事又書中載破船得恭子得號二章云聞 有所考合不 神餘辨楊文公談苑所載蒯亮之事非是其說 一卷示典系本樂 得 大 而見之矣 書淑為越壻 亖 釤 耳

倳 空 漫 拾編次適得二十 之類馬令陸游二南唐書皆採取之 三由字誤矣其書久無傳本今從永樂大典中 寫之 目樂 也尤表遂初堂書 前史徃 題作二卷宋藝文志亦同則列傳以二為 訛 淑 **把其流波故亦喜語怪歟鉉書說**鬼 往載之尚為事之所有 又朱史淑本傳載是書三 所記則周禮 目載此書作 )數首尾全備 所謂怪 其中 民史記 = 則亦未 龙 准 而陳振 具 如 所謂 耿 傅 疑 掇 誕 孫

飲定四厘全計總目 (卷)百罕二子部 **茆亭容話十卷**麻江總 足徵其深於春秋其他論燒煉服餌導引之 親書中李處士一條極論杜預以左傳合經之 作益州名畫錄序稱其通春秋學又稱其醫丹養 所記多蜀事似未徧檢其書但約晷言之也李 雜錄其所見聞始王孟二氏終於朱真宗時皆蜀 朱黃休復撰休復有益州名畫錄已著錄是編乃 ·軼事無一 依宋志仍分為上下二 一條旁涉他郡陳振孫書錄解題稱 督 一卷以復其舊焉 룹 術爐

傳案 晉賓 會退 琴所以為異者 亭 唐德宗疑韋皐有異志陰遣 後 餘 列 元二 近 刻石蘭亭之本其說為自古錄金石 雖多及神怪 道家靈跡者居全書之大半足徵其嫻 軸 理其記吳王客省使高 十年丹毒發而 稽錄 獻偽蜀太子當時識者謂是羲之撰序 石也其說 岳雖 而往往借以勸戒 高 殆 言 即日因定 死 而發低雖 亦唐史所不 @ 信行勤誘 此武 弼以王羲之石本 事本 低 而乃 在小說之中 丽 附江 晢 載 之 會左 餌 所未 肵 於 义 記 丹 記 聞 最 雷 蘭 法

改定群全時總司 不廣 進 二人也 白王克貞張泊董淳趙隣幾陳鄂吕文仲吳淑 朱李昉奉勅監修同修者扈蒙李穆湯悅徐鉉朱 所鑄證孫光憲為誣亦足訂小說之訛也 感寺塔金相輪事謂淳化五年相輪墜地實銅 其駁北麥瑣言所記高駢鎭蜀時術士王劍换 1 東所集 東 原 原 条 条 記五百卷內府 以太平興國二年三月奉詔三年八 下無絃吟振之則有餘韻皆足以廣異 會 松百里二十四 八年十二月庚日要之文玉海田 月 子則 成二 未年 詳三 蘣 · 現月 足戊 月 表 鐵 漏 聞

タグト人 シディー 泒 之 詑 II: 廣記 志校讎畧中乃謂太平廣記為太平 太清樓故北宋人多永及略鄭樵號為博 鏤 往往全部收入葢小說家之淵海也玉海 五種 月朝 出其間 見矣其皆雖多該神 本願天下後以言者謂非後學所急收 雕板 古來軼聞瑣事僻笈遺文咸在焉卷 かいくと しこ小説家数三 書事 詞章家 印行凡分五十五部 記異事誤合兩書 恒所采用考證家亦多所 怪 而采 **撫繁富各物** 丽 所乐書三百 Ę 御覧中 是樵 极 帙 III 輕 14

**欽定四庫全計總目 卷百四二十時** 李誕等七事談 書頗肆力校響第中 上 輕薄類 什 **所刊卷頁間有關佚** 資又 唐以前書世所不傳者 又日輕游 尤足貴也此本為明嘉靖中右都御史談 雜 惟 說談已考補餘目中 一卷而 小訛中 類 削 劉 酷暴類關胡測等五事婦人 而其書今亡者難悉究矣云云 濉 福 胡 許 闕此 閥諸藏書家悉然疑朱 敬宗等皆見六朝諸 應購二酉級遺日談於此 前数二 有名姓者 斷簡殘編 一卷無賴類二 美 尚多五 類關 世 史 卷 見 及

分門古今類事二十 本二字第八卷內載有先 兆 無序跋其名已不可考矣書分十二類凡帝 則書在當時 月朱如璋記是作此書者即如璋之子 稱崇寧乙酉拔漕解次年 著撰人名氏朱史藝文志亦未著錄卷首題 門二卷異兆門三卷夢兆門三卷相 老浙淮江 非完帙合亦姑仍舊本錄之焉 兆門一 本巡 撫 大夫龍泉夢記 叨第 末署政 兆 49 和 篇 药

陶块新錄 賔 後 前定錄樂善錄之類且其書成於南渡之初中 **叢瑣不無涉於誕幻而警發世俗意頗切至葢亦** 所引如成都廣記該開錄廣德神異錄唐朱遺 觀而又推及於天人迪吉從逆之所以然雖採據 門 卷墓兆雜誌門 世所 仙傅蜀異記措紳胜說靈驗記靈應集請書 卷大青在後引故事以明事有定數無容妄 老面里二子部 傳亦可以資博識之助也 卷為善而增門 たさずこ 籗 卷馬惡而 損

とう 人ときょう 事蹟不 之 朱 於宣政問濫 條 譏 興中為江西漕使隆興初以大中 目亦皆不著錄然周輝淸波雜志 之何為當時傳誦是書自朱以來史志 陶 稱為樸嫩翁陶米集又 僧宗昂有黃紙除書猶到汝定知清世不遺 馬 **朱**郷 搜輯 純 樂見惟會稽志載其題能仁寺壁 撰純字子約自號樸椒翁單 | 一一二二八前家裁三 即此書 見問者是書 知實 出来 **秱樸椒翁單父人嘗宦** 囚 名日陶 引其中韓南 大夫 Ξ 後來依 州 及各 米新 致 城

詩

鍛

純

家書

#1

仕

居

越

武

稻

欽定四屆全書總月 题《卷一百四三一子部 有 是砰葢以其祖之故亦陸游自稱元祐黨家之 收人心凡黨入子孫皆從優敘故張綱華陽集 致仕奉 默之諸孫黙在神宗朝以戸部侍即實文閣待 例頗為不類考錄中所記馬默思郭真人詩統 三 洪邁夷堅志之流末附 歽 論其除授太濫一 載皆宋時雜事大抵涉於怪異者十之七八亦 祠後入黨籍南渡以後力反宣和之政 疏然士大夫終以爲榮純 元祐黨籍 美 *邵與全*醬體 杰

**野車志六卷內** 卷陳振 海 **鴇經進御疾宋史藝交志小說家類載有是書** 也張端義貴耳集日憲聖在南內愛神怪幻 者其名联車志葢取易睽 軍是書皆紀鬼怪神異之事為當時 苔 郭彖睽車志始 郭琴撰象字伯象和州人由進士歷官知 又作六卷珍錯不一 孫書錄解題作五卷而明商維蔣刻人 本府 ~~!三小説宗朔三 出洪景盧夷堅志繼之似 考夷堅志載 卦 上六載鬼 |耳目所 趙三翁 一車之語 此 誕等 覓 興 秤 得 開 國

徃 條之末悉分注某人所說蓋用杜陽雜編之 道 疑為蟒精程逈 大肯亦主於關明因果以資勸戒特摭拾旣廣 紹興乾道淳熙間事而汴京舊聞亦間為錄入 異文其在卷末則與洪說相應知猶舊本特後 **骙車志末云云今勘檢此本惟張儔作張壽傳** 屢有分析故卷目多寡互異耳 書中所載多建 往緣飾附會有乖 事有張儔朋父為作 **亦南渡宿儒** 事實如米市本北宋名流 傳郭家伯象得其文載 /所著 芼 例

イナノーノンラーガー 野ノンニーニー 記家類三 夷堅支志五十卷編修在 善之大青可矣 浉 甩 甚 行 朱洪邁撰邁所著容齋隨筆已著錄是書所記皆 說家言自古如是不能盡繩以史傳取其勉 家奉玉真娘子由此致富張猾能斥姦平亂志 怪之說故以列子夷堅事為名考列子謂 而見之伯益知而名之夷堅間而志之正謂 而卒皆灼然可知其妄其他亦多涉荒誕然 正身後尚廟食邵武而以為挾嫌殺人白晝 本如 === 大禹 見 操

欠任日世三世紀十四/ 全二十日二子部 與旹之 癸 志甲至癸二百卷支甲至支癸一百卷三甲至三 **皆寶退錄亦載吳堅志三十二編凡三十** 於斯非其本義然唐華原尉張慎素已有夷堅錄 自甲至戊五十卷標題但日夷堅志以其序文 相重複各節錄其序之大畧頗為詳備此本 之名則邁亦有所本也陳振孫書錄解題稱夷堅 **匈異獸如山海經之類邁雜錄仙鬼諸事而** 一百卷四甲四乙二十卷共四百二 「所載乃支甲至支戊非其 9 卷旭與 序不 名取

金石以上一門新日本一九一十二十八次新三 傳寫者所收數胡應麟筆叢謂所藏之本有百 邁欲修國史借此練習其筆似乎曲為之詞 邁為謬用其心其說頗正陳樂動有堂隨錄則謂 中之一集乃云夷堅志本四百二十卷今行者 氏之本又供其牛也朱國槙湧幢小品不知為 核其卷目次第乃支甲至三甲共十 中詩詞之類往往可資采錄而遺聞瑣事亦多足 丙作支景謂避其曾祖之嫌名而此仍作丙殆 一卷蓋病其煩蕪刪之則誤之甚矣陳振孫談 帙此始胡 芯 卷

博物 欠近日臣三計四日 交淵 右小說家類異聞之屬三十二部七百二十四卷皆 志十卷歲亦 詔 及 舊本 圖緯之部捃採 亦 爲 計 世 、閑奢錄 勸 何 問 必拘 題晉張華撰考王嘉拾遺記稱華好觀秘 成非監無益於人心者小說 N. 卿 問里所記造博物志四百卷奏於武帝 才称萬代博識無倫然記事 22二十月二子部 於方間獨為邁書責 天下遺逸自書契之始考驗神 歟 변 家歷來著錄 帝 怪 異

張騫使大夏掛石榴李 華博物志十二條見今本者九條其西京賦注 圖人見之覺凉今本皆無此語李善注文選 漢桓帝時人曾畫雲漢圖人見之覺熱又晝 寡又張彦遠歴代名畫記引張華博物志日劉褒 王孫公子皆古人相推敬之詞 雪是泰帝使素女鼓五絞曲名以其調高人遂 載顯慶三年太常丞呂才奏按張華博物志 本無此語足證非朱齊梁時所見之本又唐曾要 廣利為貳師將軍 條閒居賦 己 注 引 北 日白 宛 31 引 張 風 和

1、ノナルンランドー 10/ノフニューニー小説家類三 理 稱卷首有理畧後有讚文今本卷首第 張騫得自西域一條今本皆無之晁公武讀書 宏沉釀川 志 香 足證亦非唐人所見之本太平 魚腦中有麩金出功婆塞一條則今本皆無此語 得蒲陶一條七 稱地理畧自魏氏日以前云云無所謂 五條見今本者三條其鵂鶹 條則今本皆無此語段公路北戸錄引轉 條趙彦衛雲麓漫鈔引博物志黃藍 命注引程似桶 廣記引博物志 而非若杣而有芬 名雞鳩 11.0 條為 理器 條 志 地 鄭 金 物

吹起四直全野總司 成 在一百里二子部 本草經 缸 類聚 未 非 所引博物志而 本 張華博物志卷末載湘夫人事亦誤以爲堯女介 文惟地理有之亦不在悉後又趙與皆質退錄稱 內 引 此條乃在八卷之首不在卷末皆相矛盾 朱人所見之本或原書散佚好事者撥取 者 傳 太平御覽所引亦往 列子諸書包 山海經拾遺記 則大抵 剽剟大戴禮春秋繁露孔子家語 雜 採他 飣 搜神記異苑 小說以足之故證以藝文 成帙不盡華之原文也 往相符其餘為他書 河京雜 満 書 則 出 倂 滇

걸

3 范 芯 j 此 楊 謂 作今觀裴松之三 物 博 劉 公司另一 明 本 凉茂 慎 博 物記 記二十 봬 惟載 物 續漢志注 傳中 船錄 奴發家 記當是秦漢 マンニーニー 小説宗教三 江 儏 九條齊東野語 亦 河水 引 五行志 重 博 律歷志引傳物記 稱據後漢 生 物 國 赤 志进 間古 引博 記 條 條 書 引其中 III 又 條 引博 書 物 分為 載 注博 張華 記二 灼 漢 然二 物 吶 末 志 物 條 耿 H き 書 條 回 祀 前 條 關 其各而為 郡 野女 興服志 國志 更無 條 中 女子 唐家 載 叉 疑 引博 B 所 志 及 條

次至四直全基限三颗/ 经二百月二子部 為 豈 뫘 華 冠 野 數 椰 注 女 非 皛 或 兩書而質質採入乎至於雜記下 何 條 物志十 八有數婦 偶於他書見此三條以博物二字相 稱 自見之尤雜合成編之明證矣書中 且白句為 **始非完本或亦後人偶為摘** 條訛羣行不見夫句為羣行見丈夫訛 盧氏或稱 卷又盧氏注博物志 條 狀晶目其餘三十 乃隋書地理志之文唐 周日用案文獻通考載 六卷此 附 븝 數 所載豫章 條則悉遺 所載 周盧 同不 間 肵 附

述異記二 金とで見る言語 中 水 盖 所作誤也案隋志先有 後來屬文之用亦博物志之 相符晁公武讀書志曰昉家藏書三萬卷天 本題深任助撰助字意升樂安人官至新安太 事迹具梁書本傳 則皮不誤 沿其舊文以為別自 採輯先世之事纂新述異皆時所未 卷藏內 カートリニ小説家類三 本府 而公武反誤矣其書文頗 此書宋志始著錄卷數與 祖冲之述異記十卷唐志 書則可以為誤 意唐志以為祖冲 듿 聞將 題 旭 資 監

歌尼四軍全替總目 题 卷三月二子部 尤為拙 桑 採 卷地志二百五十二卷交章三十 則 剽 不得云世所未 丽 於桃外增李移其地於吳中 異苑 五懸 刴 之琴瑟二條則附會竹生東海空桑 採 列 記其餘 仙傳 小說而 以及防風氏虫尤 文陋識考昉本傳稱著雜傳二 龜應諸條 精術諸條 成 聞其武陵源 如 開 則採拾 則採 盤古 夜 即王之類皆非僻 遺記老桑諸 周 條則襲 禮孤竹 三卷不 로 鄉 條 们 關客 陶 採 之管 潛 徐 諸 所 記 事 條 整

グラトノニディー 朱仲未詳此書中乃有其事無以補善注之逸 朱仲者家有標李代所希有並無未詳之 溪叢語調潘岳閒居賦房陵朱仲之李句李善注 助安得而記之其為後八依托蓋無疑義姚寬 周保定二年後梁蕭歸天保元年距昉之卒久矣 武成河清年中案河清元年壬 考李善閒居賦注此句下引荆州記日房陵縣 助卒於梁武帝時而下卷地 不知此書之剽交選注反謂選注 あり、ブニートニ小飢家類! 生毛一 午當煉天嘉三 語 北齊 年. 74

欽定四庫全書總目 《卷|百字二字部 西陽雜 竊 帖 唐段成式撰成式字 世所傳張華博物志歟 相同 書舛 類書所引述異記益以他書雜說足成卷帙亦 雞鳴埭歌用之燕昭王為郭隗樂臺事白 引之 俎二十卷續集十卷兩府 灌

唯

服

語

則

其

書

又

似

出

中

唐

後

可

後

入

発 誤甚矣考太平廣記所引述異記皆與此 則其偽在宋以前其中桃都 則其書似出中唐前蛇珠龍珠之諺乃 ·柯古臨淄 巬 宰相交昌之子 天雞事温 居易 採

無 獨 凡三 卷而前集漏軟者甚多悉抄入續記中為十 嚴撫作破蝨錄今無所謂破蝨錄者 九篇尚闕其 官至太常卿事迹具唐書本傳是書首有自序 Iffi 25 所謂續者近於太平廣記中 胡應麟筆 卷合前集為三十 存其篇首引語級前篇之末 بِ 十篇為二十卷个自忠志至肉攫部凡二 - Y - Y - E 叢云酉陽雜 一考語資篇後有云客徵 一二小彭多数三 卷請史志及諸家 俎世有二本皆二十 抄出續記不 耳至其續集六 盖 書日 脱其 鼠蝨事 ĬÍ 篇 篇 同 氽

次它四重全書题目 《 任一百年二子部 齋漫 酉 酉 徴 往往錯出其中故論者雖病其浮誇而不能不 否至其 **多龍怪不經之談荒渺無稽之物而遺文秘籍** 好事者刻之又似乎其書已佚應麟復寫抄合者 藏書之義也其子目有日諾皐記者吳曾能 陽維组者葢取梁元帝賦訪酉陽之逸典語 引自唐以來 不知應麟何以得其篇目豈以意為之耶其書 鍛 貝編 以為諾皇太陰神名語木 玉格天 推為 小說之 、
尺壺
史諸名 翹楚莫或廢心其 則在 抱朴 子未 可解不 夘 亦 確

君

有気を見る言系を 異錄 謟 加 給 避 宋 解 Б. 起於 事 晉 胡 代 Fi 隃 之 應麟 卷 間 部 中 韓收陶 新 榖 尚 其 杰 額 仕 撰 採浙 シニードニ小説家類三 書事迹! 穀字 Ż 莫 進江 F 周爲兵部 陳 語分 本巡 得 凡 仕晉爲 秀實州 振 撫 而深考矣 孫書 三十七 具宋 辨之个案 侍 錄 史本 夘 副 州 解題 瀚 制 門各為標 新平人本 殺 傳 沝 譜 倉部 以為 是書 雖 承盲 브 皆余 唐 題 入 未 即 類宋1 彦謙之 宋 13 實五代 丽 摭 注 仍 漢 事 唐 原 初 孫 官 為

大正百直至南部 本 記 是 物志 鑰 僅 諸 長 當時文格不過如是應麟所云良是惟穀本北 各流即 间 安因 獨 事 姚集 稍 如出 使南唐而花 不 已用 偽造書名故後人頗引為詞藻之 有 叮 亂南來先主擢置 解 為故實相沿 木巡 耳. 量 撫 詩據其自序 抵即穀所造亦雲 九品九命 雜錄舊文 上列 既久遂 條云張 亦 乃似 删 ļ 亦 和散 未盡 江南 此 娜者 録 那 旃 所

金分四月至春縣 [ ] 治 ] 下午 睢 舊木題晉李石撰然第二卷稱今上於前朝 門 均南北朱間之書則併非北朱初人別本末 公亮得龍之脊王安石得龍之晴全撫陸们 さ 稱晉李石誤也然石為紹興乾道間人亦 說又引子華子陳正敏逐齋閒覽曾慥集仙 陽消開國號大朱是朱太祖時人矣而又稱 為宋李石之號所作詩 人迪功耶眉山簿黄宗泰跋稱為方 祖為今上始亦 小說家類三 擬說部以為之 如例已著錄經部 角先 有其 鎭 傅 曾 雅

ナーニナー ニューラー 更云丹 云陳子 記 葉 此 同 生尚書 仙 摘共既云劉亮合仙丹得白 故自 削 首 É 條與華書 1天象體 败 相 與得蝙蝠 水石穴蝙蝠百歲者倒懸得 序謂次第 數其書以 矛 以 伏 盾 例 生墓寫在漯水 又摘其以文帝使掌 複 小異其餘 大 出竟不及檢又王士積 佐華 如鴉食之一久 書 亦 雖 事 以 續 蝙蝠服之立 μij 蟠 支し 溪為在 声背首 ilij 事 大 目然大致畧 然龜 服之使 泄 间 香 死 巢 地 死 궲 筆 蓮

